


佛學叢報

第八卷



佛學叢報第八期目錄

插畫

- (一) 彭尺木先生遺像
- (二) 金山大定老和尚遺像
- (三) 金山秋崖老和尚遺像
- (四) 湯雨生畫達摩面壁圖
- (五) 黃塔寺
- (六) 大鐘寺
- (七) 日本弘法大師手造辨才天如像真蹟攝

影

- (八) 暹羅佛教徒之火葬

論說

- (一) 佛學乘言
- (二) 論淨土法門貫通諸法大義 (續)

學理

- (一) 維摩詰所說經講義錄卷一之下 (續)
- (二) 法性宗明綱論 (續)

歷史

敦皇石室經卷中未入藏經論著述目錄

專件

- (一) 金陵刻經處募刊大藏啓
- (二) 擬上佛教總會向政府請願布教蒙藏章

見書

詞林

悲雙鷺

雜俎

- (一) 頻伽漫筆
- (二) 無爲館筆記 (續)
- (三) 名山游訪記 (續)

價目表

釋迦牟尼佛應世二千九百四十年九月初二日

中華民國二年十月一號

出版

{ 價目表 }

每 月 一 冊 三 角	半 年 六 冊 一 元 六 角	全 年 十二 冊 三 元
----------------------------	--------------------------------------	-----------------------------

編輯所 上海愛而近路慶祥里西七弄一百五十四號

印刷所 上海海寰路 有正印刷所

發行所 上海望平街 有正書局

北京琉璃廠 有正書局

天津東馬路 有正書局

南昌東湖邊承恩寺內 江西佛學會

彭尺木先生遺像



彭氏宗祠奉祀真影  
太倉錢履樛君攝贈



像遺尙和老崔秋山金



像遺尙和老定大山金



湯雨生畫達摩面壁圖



大 鐘 寺



黃 塔 寺

影攝蹟真像如天才辨造手師大法弘本日




藏 所 氏 劉 池 貴





FESTIVITIES AT A PONGYEE'S CREMATION.  
411

P. KLIER, RANGOON. COPYR. GWT



# 佛學剩言

(續)

(吳宗慈哀靈筆述)

我染諸法故諸法縛我心無染則萬縛斯解

舍利弗言我見此土丘陵坑坎荆棘沙礫土石諸山穢惡充滿螺髻梵王言仁者心有高下不依佛慧故見此土爲不淨耳肇公釋之曰萬事萬形皆由心成心有高下故丘陵斯顯耳海有五德一澄淨不受死屍二多出妙寶三大龍注雨滴如車軸受而不溢四風日不能竭五淵深難測大士心淨不受毀戒之屍出慧明之寶佛大法雨受而不溢魔邪風日不能虧損其智淵深莫能窺測故云佛心大如海也

諸佛常法常以七事說人心七事惟何一施二戒三生天果報四說味樂味也五果報過愚雖有少樂而衆苦無量衆生迷於少樂而不覺衆苦猶以芥子置於山頂唯見芥子而不見大山也六教厭離世間七欲涅槃功德

維摩詰經云諸仁者如此身明哲者所不沾是身如聚沫不可撮摩是身如泡不得久立是身如燄從渴

愛。生。是。身。如。芭。蕉。中。無。有。堅。是。身。如。幻。從。顛。倒。起。是。身。如。夢。爲。虛。妄。見。是。身。如。影。從。業。緣。現。是。身。如。響。屬。諸。因。緣。是。身。如。浮。雲。須。臾。受。滅。是。身。如。電。念。念。不。住。是。身。無。主。爲。如。地。是。身。無。我。爲。如。火。是。身。無。壽。爲。如。風。是。身。無。人。爲。如。水。是。身。不。實。四。大。爲。家。是。身。爲。空。離。我。所。是。身。無。知。如。草。木。瓦。礫。是。身。無。作。風。力。所。轉。是。身。不。淨。穢。惡。充。滿。是。身。爲。虛。僞。雖。假。以。澡。浴。衣。食。必。歸。磨。滅。是。身。爲。災。百。一。病。惱。是。身。爲。丘。井。爲。老。所。逼。是。身。無。定。爲。要。當。死。是。身。如。毒。蛇。如。怨。賊。如。空。聚。陰。界。諸。入。所。共。合。成。諸。仁。者。此。可。思。厭。當。樂。佛。身。所。以。者。何。佛。身。者。卽。法。身。也。

按。心。內。也。身。外。也。種。種。忻。戚。苦。樂。之。因。緣。皆。從。外。至。不。能。勘。破。此。身。卽。不。能。葆。存。此。心。此。不。僅。佛。說。然。也。無。論。何。種。宗。教。皆。重。靈。魂。而。輕。體。魄。其。道。均。不。外。此。朱。晦。老。大。學。明。德。註。云。明。德。者。人。之。所。得。乎。天。而。虛。靈。不。昧。以。具。衆。理。而。應。萬。事。者。也。此。一。語。擴。而。充。之。實。已。包。括。大。乘。華。嚴。楞。嚴。全。旨。又。朱。子。語。錄。云。夜。半。聞。鐘。聲。心。中。便。把。握。不。住。姚。江。曰。心。卽。理。也。固。是。卽。心。卽。佛。之。意。由。是。而。言。儒。家。亦。談。心。也。今。世。之。迷。溺。濁。流。而。不。返。者。要。皆。知。有。身。而。不。知。有。心。所。謂。務。其。外。而。遺。其。內。者。也。可。勝。恫。哉。

韓。昌。黎。於。佛。氏。門。外。漢。也。其。原。道。一。篇。但。斷。章。取。義。撫。拾。老。氏。一。二。忿。世。嫉。俗。之。言。以。爲。臆。證。是。於。老。佛。門。徑。尙。未。認。清。安。能。恣。意。痛。詈。之。至。佛。骨。一。表。更。是。諫。君。豈。關。關。佛。凡。人。之。性。每。溺。於。所。偏。韓。偏。於。儒。故。極。力。詆。佛。而。崇。儒。至。佛。之。爲。佛。所。未。知。也。今。人。輒。於。已。所。不。習。者。則。排。之。不。遺。餘。力。不。知。既。爲。已。所。不。習。

則又鳥可排之。則排之。又鳥可中其竅。要適足以貽笑天下萬世耳。是皆中於一偏之害也。


昔有人得罪於國王。於是怖罪逃走。王令醉象逐之。其人惶急自投枯井。半井得一腐草。以手執之。下有惡龍吐毒。向之。傍有五毒蛇。復欲加害。二鼠嚙草。草復將斷。大象臨其上。復欲取之。其人危苦極大。恐怖上有一樹。樹上時有蜜滴。落其口中。以著味。故而忘怖畏。(按)此喻言也。丘井喻生死。醉象喻無常。毒龍惡過也。五毒蛇五陰也。腐草命根也。黑白二鼠。白日黑月也。蜜滴五欲樂也。得蜜滴而忘怖畏者。喻衆生得五欲蜜滴。不畏苦也。

昔有人得罪於國王。王欲密殺。饒盛四毒蛇。使其守護。有五怨賊。拔刀守之。善知識語之。令走其人。即去。入空聚落。便於中止。知識復言。此處是惡賊所止。若住此者。須臾賊至。喪汝身命。失汝財寶。宜速捨離。可得安隱。其人從教。即便捨去。復見大水。縛筏而渡。已安。無復衆患。(按)王喻魔也。饒喻身也。四蛇四大也。五怨賊五陰也。空聚落六入也。惡賊六塵也。河生死也。善知識教令走者。謂佛菩薩教衆生離惡魔棄四大捨五陰。衆生從教。雖捨遠之患。而未出諸入聚落。未免怨賊復教。令乘入正筏。度生死流。已坦然無爲。無復衆患也。

涅槃經云。觀身如四大毒蛇。是身無常。常爲無量諸虫之所啖食。是身臭穢。貪欲獄縛。是身可畏。猶如死狗。是身不淨。九孔常流。是身如城。血肉筋骨皮裹其上。足以爲却敵樓櫓。目爲孔。數頭爲殿堂。心王處。

中。如。是。身。城。諸。佛。世。尊。之。所。棄。捨。凡。夫。愚。人。常。所。味。著。貪。淫。瞋。恚。愚。癡。羅。刹。止。住。其。中。是。身。不。堅。猶。如。蘆。葦。伊。蘭。水。流。芭。蕉。之。樹。是。身。無。常。念。念。不。住。猶。如。電。光。瀑。水。幻。燄。亦。如。畫。水。隨。畫。隨。合。是。身。易。壞。猶。如。河。岸。臨。峻。大。樹。是。身。不。久。虎。狼。鴟。梟。鷂。鷲。餓。狗。之。所。食。噉。雖。有。智。者。當。樂。此。身。寧。以。中。跡。盛。大。海。水。不。可。具。說。是。身。無。常。不。淨。臭。穢。寧。團。大。地。使。如。棗。等。漸。漸。轉。小。如。亭。歷。子。乃。至。微。塵。不。能。具。說。是。身。過。患。是。故。當。捨。如。棄。涕。唾。也。 (右文當係未完而原報登載止此)





# 論淨土法門貫通諸法大義

(續)

(端甫)

如前所說觀相非妄亦既有明徵矣就令如天台所云觀心觀佛皆屬妄境然其意在了妄即真不須破妄而顯真也故荷葉菴主合論中以四門判釋一者即相即心門二者即心即相門三者非心非相門四者離即離非門以此四門判釋觀行最為圓滿論文具在習淨業者自可檢尋今畧就初門約觀經義而申釋之亦聊以備修觀者之採擇云爾

觀照之法為三般若之要門何謂三般若一曰文字二曰觀照三曰實相此三般若即是因緣果之三法以教典文字為外熏正因教典文字者十方三世如來法音之所由以傳也(別有內熏正因即是本覺真如以此時內熏正因之本覺真如未能十分明露故必藉文字為外熏正因)顯發觀照以為之緣觀照者十方三世如來修行之要軌也證入實相不生滅果實相者十方三世如來所趨之寶所也諸佛如來說種種法不外此三者而已然此三般若雖有三次第論其圓理實則一念全具特悟入漸頓機感不

同耳。是爲般若總相一念三觀之概略也。若明此義，卽看觀經等一切教典文字時，卽發正觀，卽契實相。雖所入有淺深，所造有遠近，其機感文字，觀照有種種之差降，然於證入實相同歸一源之指趣，在修淨業者，必不可無此真知灼見而遂自己也。故立教所以導觀，導觀在乎證實。證實者，證入心佛不二之妙門也。能知證實之指，則觀行不過一方便法耳，又何奇哉。

觀經云：佛告韋提希，汝是凡夫，心想羸劣，未得天眼，不能遠觀。諸佛如來，有異方便，令汝得見。經所謂有異方便，卽是十六觀門而異之一字。略說有其二義：一者殊特超妙，故二者有種種法不一，故由此方便殊特超妙，故令未得天眼衆生得觀淨土。由此方便有種種法不一，故令各種差別衆生皆可隨機得度。是故如來於顯密諸經皆讚揚淨土開陳往生種種法門，或禮拜供養，或觀想，或修福，或持戒，或發道心，或懺罪，或十念，或向於此諸法門中，又各示有種種行法。又此種種行法，隨於一行法中，皆攝諸法，但有淺深，並無違背。如是諸經所陳各種行法，皆是圓融無礙法門，又豈獨十六觀經中諸法爲圓融無礙之法哉。故曰淨土法門者，諸行一如之法門也。

今就觀經言之，經中凡十六觀，大分三種法門：一曰次第觀，二曰雜觀，三曰回向觀。初次第觀有十二事，分爲八行：此八行中日冰地三想爲一行，寶樹想八功德水想總觀想爲一行，華嚴想爲一行，蟲觀三像想爲一行，具足觀無量壽佛想爲一行，具足觀觀世音菩薩想爲一行，具足觀大勢

至菩薩想爲一行。普觀想爲一行。是爲八行十二事次第觀也。

此八行十二事次第觀。若欲成就。要須經文精熟。工夫專懇。方能爲力。是爲專修門。或有年期已迫。八行不及全成。但能成就第一行。乃至或成就第七行。均得往生。經有明文。可爲誠證。但功有淺深。故生亦不無高下之別耳。

第二雜觀門有四法。一但觀池。上丈六身法。二觀徧虛空大身法。三觀小身法。或丈六尺。或八尺。四但觀觀世音大勢至二菩薩法。

此四觀者是爲調伏雜心觀法。但能至心懇切。如教修持。亦得生也。

第三回向觀門分爲九法。各各不同。惟回向爲所共法。等不可少。一上品行具足。回向二上品。解具足。回向三上品。信具足。回向四上品。尸羅回向五中品。少分尸羅回向六中下品。臨時善行回向七八九下。上下中下下三品。皆臨時懺罪歸佛回向。

此九品者。生有高下。皆以入法淺深而爲差別。與次第觀門雜觀門迥然。另一途徑。然途徑雖殊。歸趣無二。故此九品法與前諸法。並是隨機接引。不可妄生分別。深入一門。皆得成就。蓋感應道交。法性本具。理固然也。

卽如白毫相觀。本具足觀。無量壽佛法中之一方便法。此具足觀佛法。若析言之。凡有十句。一觀佛身金。



論說



佛  
色。二觀佛身。若于由旬。三觀眉間白毫相。四觀佛眼。五觀毛孔分明。六觀圓光。七觀化佛菩薩。八觀相。九觀好十觀光明。徧照念佛衆生而結之曰。其光相好。及與化佛不可具說。但當憶想。令心眼見。按經文云。此者恐人執。欲相以求佛耳。何謂欲相。謂此經文所陳十句觀法。如善畫人所畫佛像。如是如是。若刻定畫相。謂即真相。則爲楞嚴所呵。執指爲月之流耳。然又不可謂此非觀佛。故經文諄諄言之曰。作是觀者。名爲正觀。若他觀者。名爲邪觀。所以示行者以真歸也。

是故於一觀方便中。有假名觀。有即空觀。有中道觀。總此三觀。具於一念。乃與心佛不二實相契。何以知其然也。即此觀門下文云。見此事者。即見十方一切諸佛。以見諸佛。故名念佛。三昧。作是觀者。名觀一切佛身。秘密宗一佛一切佛義。與此正通。以觀佛身故。亦見佛心。佛心者。大慈悲。是以無緣慈攝諸衆生。秘密宗觀佛法身義言之尤詳。若行者反已自觀。即是實相觀也。作此觀者。捨身他世。生諸佛前。得無生忍。此無生忍。即是自證生無生門。秘密宗本不生義也。是故智者。應當繫心諦觀。無量壽佛。已上皆示行者從觀佛身以見佛心。由見佛心。自證實相。是故觀身實相。觀佛亦然。觀佛身相。觀身亦然也。經文如此。蓋繫心諦觀。爲證實故。即假名觀也。知假名觀。是異方便。故即即空觀也。由異方便觀于佛身。亦見佛心。自證實相。即假與空。皆不可得。是中道觀也。故衆生於此土求往生。及往生之後。還復證入無生法忍。乃爲究竟。知往生即是無生生。即知觀想亦是觀想。無觀想也。故般舟三昧經中。既云。

我。所。念。即。見。心。作。佛。心。自。見。心。是。佛。心。佛。心。是。我。身。矣。又。云。心。見。佛。心。不。自。知。心。不。自。見。心。有。想。爲。癡。心。無。想。爲。涅。槃。無。想。者。本。體。也。

故。修。觀。者。當。先。達。此。正。觀。本。體。然。後。作。觀。應。知。自。有。一。番。勝。妙。不。然。觀。境。不。相。應。是。爲。邪。觀。經。言。之。矣。觀。何。有。邪。以。妄。念。病。之。假。曰。邪。耳。由。有。妄。念。故。心。地。不。清。不。淨。由。心。地。不。清。不。淨。故。觀。境。不。相。應。故。經。于。次。第。觀。門。第。一。觀。之。首。即。云。佛。告。韋。提。希。汝。及。衆。生。應。當。專。心。繫。念。一。處。想。於。西。方。按。專。心。云。者。非。撥。境。取。心。之。謂。也。謂。明。了。本。性。清。淨。達。妄。本。空。從。此。行。住。坐。臥。四。威。儀。中。色。聲。香。味。諸。塵。影。中。無。不。頓。見。性。淨。妄。空。本。來。真。體。是。心。作。佛。是。心。是。佛。自。心。默。識。唯。此。一。事。實。餘。二。即。非。真。如。此。心。念。念。專。繫。一。緣。精。持。密。證。始。名。專。心。矣。

故。經。於。法。會。之。初。示。修。淨。業。者。當。修。三。福。三。福。之。中。既。謂。發。菩。提。心。深。信。因。果。讀。誦。大。乘。勸。進。行。者。於。發。菩。提。心。尤。非。草。草。蓋。三。世。諸。佛。淨。業。正。因。皆。由。此。也。夫。非。明。了。菩。提。本。性。清。淨。達。妄。本。空。則。心。必。不。能。專。心。既。不。專。則。雜。妄。綺。織。失。其。清。淨。失。清。淨。故。攀。緣。麤。濁。雖。修。觀。行。心。境。兩。違。是。爲。邪。觀。此。即。修。雜。觀。門。尙。不。易。就。何。况。專。修。門。具。足。觀。乎。又。經。中。於。諸。相。顯。示。處。多。有。靈。活。語。句。如。云。不。可。具。說。或。云。自。然。化。成。或。云。處。處。變。化。或。云。隨。意。變。現。此。皆。示。人。以。不。可。思。議。之。本。具。妙。用。若。徒。泥。語。言。不。會。真。歸。於。此。等。處。殊。難。索。摸。故。修。觀。行。人。最。要。者。以。觀。心。佛。不。二。爲。上。而。觀。佛。心。次。之。觀。佛。身。又。次。之。（觀。經。本。意。如。此。）觀。一。

佛一切佛爲上而一佛次之（本觀中諸所化佛即是眞佛尤宜深信）若依祕密宗所說卽身成佛義言之則徹究心源承加持力卽此生身可成眞佛佛之與我都無二別（觀經中本有此義以向來行人專依顯教尋究故未發明耳）果能究明斯旨觀佛觀心無所不可斯則隨修一法觀想卽成八萬相好應念而現諸佛現前而爲授記又豈得以一法門而品量之也哉雖然三般若三觀照離此諸門終難言下手處矣

前就顯教中略明淨土諸義茲更就密教中義約略言之蓋密之與顯本無二體佛爲衆生緣業各異隨機立教因應多方對於顯機而設顯門對於密機而設密教故密者卽顯之密非壞於顯而成其密顯者卽密之顯非壞於密以成其顯設施不同本原非別又顯密之云者本相待而起爲待於顯而立密稱亦對於密而有顯號卽此顯密兩字已是施設之假名雖其間不無淺深廣略麤細煩簡身土義相種種之各殊要其歸極皆在於諸法緣生而本不生雖得涅槃法身而亦本無所得卽此是顯密性空當體無妄徧界卽眞眞卽菩提是爲入道正因由是長養大慈大悲是爲饒道根本發起萬法方便自度度他是爲成道究竟此爲密宗之三大關要亦是顯教之不二常途也

密部所演兩界五部四曼四眼四智一百二十護摩及四法身密嚴淨土與無量諸法門等事義繁多不可具述於中提振往生阿彌陀佛極樂淨土法門隨宜宣說見諸明文者亦不下數十種於此足見淨土

一門。決非。但是。凡夫。淺行。從古。諸師。稱念佛。爲大丈夫。行業。洵不虛也。

密教亦名。瑜伽。教密者。身語意。三密。瑜伽。此云。相應。口唱。眞言。手結。印契。意住。三摩地。種種。觀想。深入。實相。諦了。緣生。無生。一相。諸相。之理。三業。同如。故謂之。三密。謂之。相應也。又以。我之。三密。相應。入佛。三密。以佛之。三密。相應。人我。三密。於此。證入。心佛。衆生。三無。差別。自他。不二。勝境。自利。利他。饒衆。方便。是爲。密教。諸法門。之通相。也。念佛。法門。亦是。如此。以清淨。三業。而念佛。故。根識。無妄。自他。互融。見相。如如。淨土。勝妙。即時。顯現。顯教。經中。謂之。淨業。亦云。淨行。雖未。明言。三密。而三密。之意。固已。散見。於諸。經矣。

唐代。已前。密教。未立。專宗。密部。諸經。皆隸。方等。亦以。方等。經中。三昧。陀羅。尼觀。想梵。書契。印等。法。往往。而有。但不。若大日。金剛。頂蘇。悉地。等經。及其。眷屬。經論。諸部。所談。理事。儀軌。之深。詳耳。然密。宗壇。法及。各種。修持。事相。之次第。非經。阿闍。黎佛。前散。華得有。瑞應。親口。傳授。儀軌。不得。如教。行道。否者。卽爲。盜法。惟淨。宗念佛。法門。特開。方便。直捷。簡易。諸根。普及。在顯。而顯。在密。而密。故求。往生。者有。種種。法。或備。三密。相。或專。依顯。門。或入。曼荼。羅修。持。或不得。入。亦可。隨意。結壇。行道。或得。有阿。闍黎。傳授。或未。承親。授。聞名。依持。皆可。淨念。相應。隨願。往生。傳記。昭垂。有明。證也。

蓋極樂世界。第一本尊。阿你陀佛。卽密部。五大佛之一。是爲毗盧遮那。如來之。同體。妙智。又極樂世界。第二本尊。觀世音菩薩。卽密部。四大菩薩之一。又爲三大部主之一。亦卽毗盧遮那。如來之。同體。大悲。以二。

聖。同。爲。密。部。總。持。王。故。行。者。果。淨。念。歸。依。更。能。心。契。一。切。本。不。可。得。諸。法。實。相。當。下。即。證。入。法。身。曼。荼。羅。便。與。入。壇。行。道。次。第。功。德。等。無。有。異。故。部。中。開。闡。無。量。法。門。尤。多。導。揚。淨。土。於。諸。淨。土。之。中。又。以。極。樂。淨。土。之。指。歸。爲。尤。切。也。

第。導。歸。極。樂。顯。密。同。示。徑。途。而。密。教。趣。入。之。方。則。尤。重。乎。心。存。梵。字。口。誦。眞。言。身。持。契。印。又。釋。義。尤。詳。足。資。行。人。慧。鑑。若。依。古。師。所。釋。淨。土。密。義。條。理。繁。多。今。略。出。之。以。當。明。智。先。導。云。爾。

一。孔。阿。彌。陀。三。佛。四。字。密。教。之。中。示。有。多。義。字。爲。公。共。名。詞。其。義。尤。廣。若。略。義。卽。三。覺。圓。滿。之。意。若。孔。阿。彌。陀。三。字。略。徵。亦。有。數。義。

第。一。孔。字。者。謂。卽。一。清。淨。自。心。現。前。萬。法。本。不。生。義。第。二。阿。字。者。卽。一。切。諸。法。無。我。大。我。義。第。三。彌。字。者。卽。一。心。萬。法。如。如。寂。靜。義。也。

又。孔。字。者。理。智。不。二。義。阿。字。者。生。法。二。空。義。彌。字。者。堅。固。不。壞。義。也。

又。孔。字。者。卽。佛。部。根。本。義。阿。字。者。卽。蓮。華。部。根。本。義。彌。字。者。卽。金。剛。部。根。本。義。也。

又。孔。字。者。虛。妄。本。空。義。阿。字。者。諸。法。假。有。義。彌。字。者。空。有。平。等。離。于。二。邊。無。依。無。得。中。道。實。性。義。也。

又。孔。字。者。自。心。體。相。本。不。生。無。滅。無。盡。如。實。本。有。義。阿。字。者。諸。法。相。空。彼。無。自。性。如。實。空。義。彌。字。者。具。足。無。量。自。性。功。德。如。實。不。空。義。也。

又孔字者因義佛及衆生迷覺之因故。凶字者行義滅人法。二我證入。二空趣佛乘義。了字者果義。契堅固。解脫理事圓融。即證如如佛果義也。

又孔字者稍廣釋之。有一百義（孔字一百義。文繁故略。當另篇出之。）凶了之義亦不止此。三德萬善。義益無盡。是爲四字。洪名之略釋也。

若顯教經中亦有數釋。如釋阿爲無彌陀。云量蓋是合釋。大意就中分析言之。亦有種種所謂無量法身。無量報身。無量應身。無量名號。無量壽命。無量清淨。無量光明。無量世界。無量眷屬。無量方便。無量化佛。無量化禽。宣演法旨。無量樂音。寶網莊嚴。無量神通。無量妙智。無量福德。無量安樂。無量自在。無量大慈。無量大悲。無量勝緣。無量大願。乃至無量種種不可思議神變法力。攝受無量一切衆生。是爲顯教諸經所明阿彌陀之義也。

如是顯密各說阿彌陀佛。有如是繁多之義。故此四字名號。但得見聞者。已有種種不可稱量功德。况更能誦持。乃至能解。能行。能証者乎。

又密部所說讚勸往生諸經。有在娑婆說者。有在極樂說者。其阿彌陀佛諸部契印真言。尤爲祕要。於諸契印真言中。又有尤要者。三曰大根本真言。一曰心真言。一曰心印梵書。是也。心印梵書者。亦稱阿彌陀佛心印。其文曰。

袞。喻。哩。二。合。

經稱觀此阿彌陀佛心印者即為觀自本身淨菩提心淨菩提心者皎潔圓明猶如滿月（別有經明此義）觀滿月相復作是思惟菩提心體離一切物離五蘊離十八界離十二處離能取所取法無我故一相平等心本不生自性空故即於圓滿清淨月輪上想此我字從我字流出無量光明一一光道觀成極樂世界聖衆無量而為圍遶阿彌陀佛種種莊嚴如觀無量壽佛經所說（按世有不信淨土者疑觀經條理大繁為非佛說不知密部經中早有誠文證明觀經之為佛說真實不虛願有智者勿疑大法也）是為觀我字自他不二佛菩提心相也觀此心相了自心本不生得堅固解脫證法智平等即證法身也阿彌陀佛心真言者其文曰

多。喃。孔。阿。彌。唎。二。合。不。多。不。帝。孔。濟。不。賀。不。囉。不。呼。

此阿彌陀佛心真言九文各有淺畧深祕二義文繁不具經云此是十方三世如來究竟理智十二空願根本若欲利樂三界饒益人天書寫受持讀誦者增長福樂智慧辨才壽命色力消除障病增長慈悲無不具善度三世無生變三世火宅誦滿十萬遍即身得見阿彌陀如來時至決生極樂世界也

阿彌陀佛大根本真言者蓋往生淨土真言之廣本也其文云

不。彙。不。謨。不。阿。囉。二。合。不。怛。彙。二。合。不。怛。囉。二。合。改。夜。不。耶。不。娜。不。謨。孔。阿。不。利。耶。二。合。孔。阿。不。彌。不。跢。






云。口密加持。蓮華部佛現。蓮華部佛主者。即是阿彌陀如來。及觀世音。諸菩薩等也。故口密加持。在蓮華部中。尤具效力。以口密即通身意。二密從口密行。即身意。二密悉同相應。如是乃得謂之口密。非謂蓮華部專用口業。而身意都不用也。

是以秘密部中。勸修淨土功夫。最重。瑜伽念法。而亦不廢受持讀誦。諸種行門。如常勤禮供。勤讀大乘般若方等密嚴理趣。誦大小無量壽及觀無量壽經等。修習慈悲喜捨。乃至六度萬行。觀中道實相。淨菩提心。回向西方。不貪世樂。此皆經有明證。並非取一廢餘。是故念佛之人。最要深信佛語。廣讀大經。勿墮執此非彼之談。佛諸部中。千味萬味。領其指趣。無不彼此圓融。隨舉一門。諸法全攝。淨土法門。尤爲此土當機而利行者耳。六通四闢。無所不達。諸有智者。復何疑哉。





# 維摩詰所說經講義錄卷一之下

(續)

○五命富樓那分四(初)命往彼問疾(二)辭不堪任詣(三)述昔被彈訶(四)結不堪之由 今初  
佛告富樓那彌多羅尼子。汝行詣維摩詰問疾。

富樓那。翻滿願。是其父。彌多羅尼。翻慈女。是其母。連父母得名。云滿慈子。諸弟子中說法第一者也。○  
二辭不堪任詣。

富樓那白佛言。世尊。我不堪任詣彼問疾。

○三述昔被彈訶分二(初)因說法(二)被彈訶 今初

所以者何。憶念我昔於大林中。在一樹下。為諸新學比丘說法。

什師云。近毗耶離城有園林。林中有水。水名獼猴池。園林中有僧房。是毗耶離三精舍之一也。富樓那  
於中為新學比丘說法。○二被彈訶分二(初)正訶(二)結過 今初

時維摩詰來謂我言。唯富樓那。先當入定。觀此人心。然後說法。無以穢食置於寶器。

此訶不入定觀機也。二乘行淺。非入定不能鑑機。定力深者。照八萬劫。淺者三二劫不等。以宿命智力能知近機。淨名法身大士。常在定中。以現量智照機。一見即識。知滿慈子說法失宜。故訶先當入定。觀人心淨穢。而後說法。穢食喻小法。寶器喻大乘根性也。

當知是比丘心之所念。無以瑠璃同彼水精。

此訶不知心念也。衆生佛性雖無優劣。各有習慣念想之殊。大士見諸比丘夙習大乘。中雖忘失。猶有昔因。應當發其宿業。何得另以小乘法而再下種。故云無以瑠璃同彼水精。瑠璃紺青色。寶體實不虛。喻大乘機。水精不實。喻小乘機。遽以小乘法而教導。是乃不入定之失也。

汝不能知衆生根源。無得發起以小乘法。彼自無瘡。勿傷之也。

此訶不知根之失也。衆生根有利鈍。源有大小。此諸比丘源發大心。以淨佛國土成就衆生爲己任。非若聲聞視生死如瘡。用觀練以熏之針灸以除之者也。能發起以小乘法而教導之。是傷無病之法身也。

欲行大道。莫示小徑。無以大海內於牛跡。無以日光等彼螢火。

此訶不知樂欲也。過去所習行業爲根源。現在將行行業爲樂欲。此諸比丘欲學圓滿菩提之大道。滿慈子爲說小教。是示小徑也。此諸比丘欲以萬行莊嚴淨佛國土。滿慈子教以生滅四諦。是以大海內

於牛跡也。此諸比丘欲學如來一心三智。滿慈子爲說二乘出世間智。是以日光比於螢火也。有此諸失。由不入定觀機故也。○二結過。

富樓那此諸比丘久發大乘心。中忘此意。如何以小乘法而教導之。我觀小乘智慧微淺。猶如盲人。不能分別一切衆生根之利鈍。

往昔已種大乘種子。若得現行大乘法兩所潤。卽發大乘芽。而根極花葉枝果相隨來矣。今以小乘教導。卽壞其大乘種子。故云小乘智慧猶如盲人。不別根之利鈍。述昔被彈訶竟。○四結不堪之由。分二。  
 (初)結利益。(二)結不堪。今初。

時維摩詰卽入三昧。令此比丘自識宿命。曾於五百佛所植衆德本。回向阿耨多羅三藐三菩提。卽時豁然。還得本心。

大士入定。神力加被。令知宿發大心。卽今還得本心者。以證前訶之不謬也。

於是諸比丘稽首禮維摩詰足。時維摩詰因爲說法。於阿耨多羅三藐三菩提。不復退轉。

此諸比丘得益。故修敬禮。大士再爲說法者。卽菩提芽發。再灌漑也。故得不退轉菩提。我念聲聞不觀人根。不應說法。是故不任詣彼問疾。

○六命迦旃延。分四。(初)命往詣問疾。(二)辭不堪任詣。(三)述昔被彈訶。(四)結不堪之由。今初。

佛告摩訶迦旃延。汝行詣維摩詰問疾。

摩訶翻大。迦旃延是其姓。此翻文飾。又云利根。諸弟子中論議第一。○二辭不堪任詣。迦旃延白佛言。世尊。我不堪任詣彼問疾。

○三述昔被彈訶分二。(初)因覆講。(二)被彈訶。今初。

所以者何。憶念昔者佛爲諸比丘畧說法要。我卽於後敷演其義。謂無常義。苦義。空義。無我義。寂滅義。

如來無定法與人。但隨衆生心病而說。又所說法相。亦無定義。但隨衆生心量所解也。昔者佛爲諸比丘畧說法要。既云畧說。卽非廣演。既云法要。卽是提綱。如來所說無常苦空無我。並及寂滅。其義無窮。深者聞之則義深。淺者聞之則義淺。但說其名。未釋其義。故云畧說無常苦空無我。統攝世間法也。諸法悉皆無常等故。寂滅一法。統攝出世間法也。諸法終歸寂滅海故。又寂滅一法。統攝世間法也。以世間相常住故。無常苦空無我等。統攝出世間法也。以無常卽是常故。卽此五法。統攝如來一代時教。故云法要。富樓那以小教覆講。其所釋之五義。皆是小乘。將圓融無礙之法。狹於小教之中。謂世界身心遷變不停。是無常義。領納前境。撓亂身心。是苦義。世間諸法悉歸磨滅。是空義。世間諸法無有主宰。是無我義。煩惱斷盡。灰身泯智。是寂滅義。覆講竟。○二被彈訶。

時維摩詰來謂我言。唯迦旃延。無以生滅心行說實相法。

心住實相。則所說所行。皆是實相。以不見有二相故。心行生滅。則所行所說。皆是生滅。以有二見故。諸法皆是實相。以生滅心行說者。則實相轉爲生滅矣。故云無以生滅心行說實相法。迦旃延分段雖無。變易全在。猶是生滅心行也。

迦旃延諸法畢竟不生不滅。是無常義。

二乘見不生不滅是常。何得是無常義。菩薩見諸法性本自不生。今亦不滅。故云畢竟不生不滅。既見畢竟不生滅理。即不住於常無常。故云是無常義。

五受陰洞達空無所起。是苦義。

二乘以分析觀。見五受陰空。即無有苦。何得是苦義。菩薩以實智而照。五受陰性即是法性。法性本自不起。故云洞達空無所起。以起而無起。即苦中以見真諦義理。故云是苦義。

諸法究竟無所有。是空義。

二乘以析法而觀。諸法無有實體。雖則歸空。未見空理。菩薩觀諸法本無體性。故云究竟無所有。以見真空理故。即是空義。

於我無我而不一。是無我義。

二乘不見真我。故觀諸法無我。以爲解脫。菩薩明了法身真我。於我無我而不一。即無我義。

法本不然。今則無滅。是寂滅義。

二乘滅除生滅。方證寂滅。菩薩以正智而觀。諸法性空。本自不生。則何有滅。故云是寂滅義。彈訶竟。○  
四結不堪之由。

說是法時。彼諸比丘心得解脫。故我不任詣彼問疾。

○七命阿那律。分四。(初)命詣彼問疾。(二)辭不堪任詣。(三)述昔被彈訶。(四)結不堪之由。今初。  
佛告阿那律。汝行詣維摩詰問疾。

或云阿菴樓陀。亦云阿泥樓豆。此翻無貧。亦云如意。因過去世饑。曾以一鉢稗飯施辟支佛。感九十一劫受如意樂。不受貧窮。今生爲斛梵王太子。摩訶男之弟。佛之堂弟也。隨佛出家。好貪睡眠。佛訶之。如是七日不睡。失其雙明。佛愍之。教以金剛照明三昧。遂得半途天眼。於諸弟子中天眼第一。○二辭不堪任詣。

阿那律白佛言。世尊。我不堪任詣彼問疾。

○三述昔被彈訶。分二。(初)因爲說天眼。(二)被維摩詰訶。○初中分二。(初)梵王問。(二)那律答。今初。

所以者何。憶念我昔於一處經行。時有梵王。名曰嚴淨。與萬梵俱。放淨光明。來詣我所。稽首作禮。問我言。

幾何阿那律天眼所見。

梵王爲大千世界主。報得天眼。能見大千。聞佛弟子阿那律者天眼第一。故來作禮。而問阿那律天眼所見幾何者。意在比較天眼之優劣也。○二那律答。

我卽答言。仁者。吾見此釋迦牟尼佛土三千大千世界。如觀掌中庵摩勒果。

此修得天眼也。梵王報得天眼。見大千世界。雖是常見。遠處不能清晰。阿那律修得天眼。入定則有出定則無。所見大千分明清晰。故如掌果。修得報得二種天眼。比對而觀。互有優劣。○二被維摩詰訶。分三。(初)淨名訶斥。(二)諸梵請問。(三)讚佛天眼。今初。

時維摩詰來謂我言。唯阿那律。天眼所見。爲作相耶。無作相耶。假使作相。則與外道五通等。若無作相。卽是無爲。不應有見。

此以中道義訶也。梵王報得天眼。雖不作意。而有相對。卽是作相。那律修得天眼。必須作意而後見相。亦是作相。訶意云。若作相者。是無常法。故云則等諸外道五通。若不作相。是斷滅法。故云不應有見。此卽淨名一鏃破雙關耳。若非實證中道了義。何有如是辯才。○二諸梵請問。

世尊。我時默然。彼諸梵聞其言。得未曾有。卽爲作禮而問曰。世孰有真天眼者。

聲聞著空見深。一問不敢復對。是故默然。凡夫著有見深。故躡跡而問。意謂著相非真天眼。卽同外道。



不著則無所見。即同無眼。去此二途。誰便能見。故問曰。世孰有真天眼者。○三讚佛天眼。維摩詰言。有佛世尊。得真天眼。常在三昧。悉見諸佛國。不以二相。

此讚佛而令仰慕也。如來五住煩惱。究盡。證得真清淨心。故得真清淨眼。常在三昧。悉見諸佛國者。親證常寂光土。心無二心。故常在三昧。境無二境。故諸佛淨土。當現在前。非有心。非無心。無二心。而常起諸見。非一相。非異相。無二相。而諸相現前。豈同作相。不作相。二邊之見哉。○三結不堪之由。分二。(初)結得益。(二)結不堪。今初。

於是嚴淨梵王及其眷屬五百梵天。皆發阿耨多羅三藐三菩提心。禮維摩詰足。忽然不見。由讚佛如是真淨天眼。心生仰慕。故發菩提心。○二結不堪。

故我不任詣彼問疾。

○八命優波離。分四。(初)合詣彼問疾。(二)辭不堪任詣。(三)述昔被彈訶。(四)結不堪之由。今初。佛告優波離。汝行詣維摩詰問疾。

亦云。鄔波離。此翻上首。以其持律爲衆紀綱。故諸弟子中持戒第一者也。○二辭不堪任詣。

優波離白佛言。世尊。我不堪任詣彼問疾。

○三述昔被彈訶。分二。(初)爲比丘說律。(二)被淨名訶斥。○初中分二。(初)比丘請問。(二)如法解

說。今初。

所以者何。憶念昔者有二比丘犯律行。以爲恥。不敢問佛。來問我言。唯優波離。我等犯律。誠以爲恥。不敢問佛。願解疑悔。得免斯咎。

犯律者經無明文。未知犯何等律。若犯性業。根本旣壞。律無環轉之條。不敢問佛。縱問優波離。亦無能爲也。若犯遮業。誠以爲恥。不敢問佛者。此二比丘已經慚愧悔過。罪性已消矣。今白優波離願解疑悔者。不知過咎能否懺除也。○二如法解說。

我即爲其如法解說。

如法者卽如律法而解說也。二比丘所犯之罪。輕重尙未之知。優波離卽如律法以分別解說。是性業是遮業。是准懺。是不准懺之罪名。故云如法解說。○二被淨名訶斥。

時維摩詰來謂吾言。唯優波離無重增此二比丘罪。當直除滅。勿擾其心。

二比丘所犯之罪。旣不敢白佛。卽生恐懼。或是其心不覺。而誤入於罪中。尙不知其罪之輕重。已有憂懼在懷。於自性清淨心已擾攘不安。今優波離如律科其罪名。卽定業不轉。是於自性清淨戒中重增其罪也。罪從一念不覺。被境所轉。故犯如來之律禁。今當滅除所犯罪之境。則心自清淨而不擾焉。

所以者何。彼罪性不在內。不在外。不在中間。如佛所說。心垢故衆生垢。心淨故衆生淨。心亦不在內。不在

外不在中間。如其心然。罪垢亦然。諸法亦然。不出於如。

優波離拘守小乘律法。故爲如律分別罪相。淨名以大乘定共戒而觀。執心不起。故罪無自性。若有自性者。必在內外中間三處。今定共戒現前時。過去心不可得。罪性不在內。未來心不可得。罪性不在外。現在心不可得。罪性不在中間。定共戒中心垢卽是罪。故云心垢故衆生垢。心淨則無罪。故云心淨則衆生淨。正當定共戒現前時。三際俱斷。故云心不在內外中間。求心相了不可得。罪垢豈可復得哉。故云罪垢亦然。此旣如是。一切諸法皆然。不出於如。如者定共戒體也。

如優波離以心相得解脫時。寧有垢不。

此反乞問也。謂優波離以心相除滅煩惱。得解脫道時。猶有垢相否。我言不也。維摩詰言。一切衆生心相無垢。亦復如是。

若觀一切衆生身相。卽罪業無邊。若觀一切衆生心體相者。卽空無相無作。故云無垢亦復如是。唯優波離妄想是垢。無妄想是淨。顛倒是垢。無顛倒是淨。取我是垢。不取我是淨。

此卽爲二比丘懺罪也。優波離只知用拙法懺罪。必須分別罪相。作法羯磨。方能滅罪。維摩詰善知用巧法懺罪。以定共戒。心與定合。自性如如。卽能滅罪。以自性本來清淨無染。如起信云。眞如不守自性。而有其念。卽成妄想。則淨隱垢顯。故云妄想是垢。無妄想是淨。背理向事。背眞向妄。背體向用。執著事

相違背眞如。皆是顛倒。以顛倒故。則作業因緣果報相續不斷。故云顛倒是垢。無顛倒是淨。我相爲諸相之首。若著我相。則諸相叢生。故云取我是垢。不取我是淨。如是懺罪。但觀心不起。罪性本空。故爲巧法懺罪。

優波離一切法生滅不住。如幻如電。諸法不相待。乃至一念不住。

此假無常觀以懺罪也。觀世間諸法無有常住者。故云生滅不住。幻法無體。亦不得久住。電光迅滅。人所皆知。此法不待彼法生而後滅。彼法來而後去。各各趣向生滅。故云諸法不相待。總而言之。乃至一剎那頃無有停止。故云一念不住。若如是觀。罪性無常。何愁不滅。

諸法皆妄見。如夢如燄。如水中月。如鏡中像。以妄想生。

此假無我觀以懺罪也。諸法無我實體。故云皆妄見。夢燄水月鏡像等。皆無體性也。諸法既無我體。罪性豈出諸法之外而有體性哉。

其知此者是名奉律。其知此者是名善解。

此結成上義也。意謂能知此上定共戒爲體。道共戒中慧觀爲用。若能如是。是名奉律善解也。奉律卽善治義。善解卽三解脫法門。又卽善解奉律法門也。此上彈訶竟。○四述不堪之由。分四。(初)二比丘。鄢小。(二)優波離讚大。(三)二比丘得益。(四)正結不堪任詣。今初。

於是二比丘言。上智哉。是優波離所不能及。持戒之上而不能說。

淨名奉大乘慧解脫戒。解其疑悔。故稱上智。優波離奉小乘律儀戒。不能解其疑悔。故云所不能及。○二優波離讚大。

我答言。自捨如來。未有聲聞及菩薩能制其樂說之辯。其智慧明達爲若此也。

五百弟子及諸菩薩。皆被訶斥。故云未有能制其辯。○三二比丘得益。

時二比丘疑悔卽除。發阿耨多羅三藐三菩提心。作是願言。令一切衆生皆得是辯。

○四正結不堪之由。

故我不任詣彼問疾。

○九命羅睺羅。分四。(初)命往詣問疾。(二)辭不堪任詣。(三)述昔被彈訶。(四)結不堪之由。今初。佛告羅睺羅。汝行詣維摩詰問疾。

此翻宮生。亦云覆障。乃佛之子。佛出家六年後方生。因往昔塞鼠穴六日。餓死羣鼠。由是多生常處胎六年。智論云。羅雲往昔爲王。期看仙人。王乃著樂。遂忘是事。仙人在外六月乏食。故感處胎六年之報。諸弟子中密行第一。○二辭不堪任詣。

羅睺羅白佛言。世尊。我不堪任詣彼問疾。

○三述昔被彈訶分二。(初)說出家功德。(二)被淨名訶斥。○初中分二。(初)諸長者子請問。(二)羅睺羅爲說。今初。

所以者何。憶念昔時。毗耶離諸長者子。來詣我所。稽首作禮。問我言。唯羅睺羅。汝佛之子。捨轉輪王位。出家爲道。其出家者。有何等利。

羅睺羅若不出家。當爲鐵輪王。(卽四轉輪之一)王一闍浮提。地下十由旬鬼神。空中十由旬鬼神。皆屬羅睺羅爲其給使。既捨人中最尊之位。出家爲道。必有超過轉輪王處。故請問其出家者有何等利。○二羅睺羅爲說。

我卽如法爲說出家功德之利。

如法爲說者。卽如小教而說也。小教中出家者。能得三明。具八解脫。能得三昧。能斷生死。能得涅槃。有如是功德。轉輪王乃世間蟲豸無常之福。不可爲比。○二被淨名訶斥分四。(初)訶所說之失。(二)讚出家之法。(三)勸依身出家。(四)勸依心出家。今初。

時維摩詰來謂我言。唯羅睺羅。不應說出家功德之利。所以者何。無利無功德。是爲出家。

羅睺羅依小教說出家。發小心。行小行。證小果。對世間而言。有小利益。故說出家功德之利。淨名大士依大乘頓圓說出家。發大心。行大行。證大果。對了義而言。無利無功德。是真出家。故非小乘人之所能。

及也。

學理一

十四

第八期

有爲法者。可說有利有功德。夫出家者。爲無爲法。無爲法中。無利無功德。

此釋無功德之所以也。小教中出三界家。對淨妙法身爲有爲法。以有三界可出。有生死可了。故可說有利有功德。大乘頓圓法中。出無明家。證真空理。爲無爲法。法尙無爲。何功德利益之有。故云無爲法中。無利無功德。○二讚出家之法。

羅睺羅。出家者。無彼無此。亦無中間。

此讚出無明家也。意謂若能頓破無明。則法身顯露。是真出家。法身不落二邊。故云無彼無此。不居中道。故云亦無中間。三處俱無。豈更有功德利益哉。

離六十二見。處於涅槃。智者所受。聖所行處。

由三處無故。不著有無等諸見。故離六十二見。處見俱離。則自性湛然。故無生滅去來諸相。卽是處於涅槃義也。如是出家之法。諸有智者之所受持。三賢十聖之所行處也。

降伏衆魔。度五道。淨五眼。得五力。立五根。不惱於彼。離衆雜惡。擢諸外道。超越假名。出淤泥。無繫著。無我所。無所受。無擾亂。內懷喜。護彼意。隨禪定。離衆過。若能如是。是真出家。

衆魔卽四魔也。謂煩惱魔。死魔。五陰魔。天魔。已往不來五道受生。故云度五道。圓明照見法界。故云淨

五眼。成就信進念定慧等五力。深立信進念定慧等五根。不惱害一切衆生。純一趣於至善之地。不以善惡雜糅。故云離衆雜惡。以正知見導引。使諸異學咸歸於正。故云摧諸外道。達妄卽眞。故云超越假名。能出生死煩惱。故云出淤泥。不爲愛見之所纏縛。故云無繫著。不著我相。則無有我。以無我故。我自無。我所無故。則無能受之人及所受之法。二乘出三界家。則無煩惱擾亂。菩薩出無明家。則一切惑障不能爲礙。故云無擾亂。以出家故。清心寡欲。道法充滿。故云內懷喜。能加被一切學者。莫生退志。故云護彼意。心念如一。不起亂想。故云隨禪定。定性圓滿。外不動亂。則離外過。內不昏散。則離內過。內外過除。故云離諸過。

若能如是。是真出家。

此結大乘出家也。謂若能如上諸法相而出家者。是真出家也。○三勸依身出家。於是摩維詰語諸長者子。汝等於正法中宜共出家。所以者何。佛世難值。

正法有事有理。事正法者。如來出世。所說之法。能令離二死。苦得涅槃。樂非外教偏邪之法。有修無證。故云佛世難值。理正法者。不落二邊。直顯中道。能生正智。佛不出世。此理雖是常存。無人開示。終難悟入。故云佛世難值。由是義故。宜共出家。○二勸依心出家。

諸長者子言。居士我聞佛言。父母不聽。不得出家。維摩詰言。然汝等便發阿耨多羅三藐三菩提心。是卽



出家。是即具足。

此即四句中身不出家心出家也。大丈夫出家。皆為無上覺道。既發無上道心。云已出乎世外。出家皆為受具足戒。發菩提心。則一切具足。故云是即具足。○三結不堪之由。分二。(初)得利益。(二)結不堪。

今初。

爾時三十二長者子皆發阿耨多羅三藐三菩提心。

○二結不堪。

故我不任詣彼問疾。

○十命阿難分四。(一)命往詣問疾。(二)辭不堪任詣。(三)述昔被彈訶。(四)結不堪之由。今初。

佛告阿難。汝行詣維摩詰問疾。

阿難此翻慶喜。白梵王次子。調達親弟。佛之堂弟也。佛成道日所生。天人空中白淨梵王言。太子成道。

後宮報云。白梵生子。當時舉國歡喜。因名慶喜。諸弟子中多聞第一。即持佛法藏結集者也。○二辭不

堪任詣。

阿難白佛言。世尊。我不堪任詣彼問疾。

○三述昔被彈訶分三。(初)因為佛乞乳。(二)被淨名訶斥。(三)聞空聲安慰。今初。

所以者何。憶念昔時世尊身小有疾。當用牛乳。我卽持鉢。詣大婆羅門家門下立。

小教人只見如來應身。不見法身。應身假四大合成。一大遠和。則三大相爭。故似有疾。大病須藥。大小只須飲食調和。故爲持鉢乞乳。小家恐牛乳之不便。故詣大家之門。○二被淨名訶斥。分二(初)說疾卽是謗佛(二)讚歎如來法身。今初。

時維摩詰來謂我言。唯阿難何爲晨朝持鉢住此。

晨朝非乞食之時。持鉢至此。必有以也。故云何爲晨朝持鉢至此。

我言居士世尊身小有疾。當用牛乳。故來至此。維摩詰言止。阿難莫作是言。如來身者。金剛之體。諸惡已斷。衆善普會。當有何疾。當有何惱。

答意者。謂師有疾。應用牛乳以療。弟子理當供給侍奉。故持鉢至此。以盡弟子之道也。止。莫作是言者。卽當頭一棒也。小乘不發菩提心。故不能見如來堅固法身。此云如來身者。金剛之體。卽指法身而言也。法身迥出世表。故云諸惡已斷。法身淨法滿足。故云衆善普會。如是之身。當何疾惱之有。

默往阿難。勿謗如來。莫使異人聞此。麤言無令大威德諸天及他方淨土諸來菩薩得聞斯語。

佛爲三界之大醫王。言有疾者。卽是謗也。故令默往勿謗。異人卽外道六師也。外道若聞佛疾。卽謗爲善不足。故感斯疾。卽是麤言。大威德天及他方菩薩。仰慕道德而來。若聞有疾。卽生退志。故云無令得

聞斯語

阿難轉輪聖王。以少福故。尚得無病。豈況如來無量福會普勝者哉。行矣阿難。勿使我等受斯恥也。

輪王因行世間十善。自行教他。報得輪王少福。身尚無病。何況如來經無量劫。行盡世間一切諸善。故云福會普勝者。如是之人。豈有疾哉。我等爲佛弟子。佛若受恥。我等隨恥。故勸潛行。勿使我等受其恥也。

外道梵志。若聞此語。當作是念。何名爲師。自疾不能救。而能救諸疾人。可密速去。勿使人聞。

梵志翻淨裔。乃印度出家外道。自言先祖從梵天口生。外道若聞世尊有疾。謂真有疾。即生毀謗。安足稱無上醫王。自疾尚且不治。焉能救治一切疾人。故令密速而行。勿使人聞。○二讚如來法身。

當如阿難。諸如來身即是法身。非思欲身。佛爲世尊。過於三界。佛身無漏。諸漏已盡。佛身無爲。不墮諸數。如此之身。當有何疾。

謂如來示現四大和合之身。即是法化所生之身。非如業果所感分段思欲之身。佛爲三界獨尊。雖現身於三界。不爲三界所拘。故云過於三界。諸漏即欲漏有漏無明漏也。斷五住煩惱盡。方證佛果。故云佛身無漏。諸漏已盡。界間有爲法。或墮於定數。如來五住煩惱斷盡。二種生死永亡。故非有爲法他。豈數量之能限哉。故云不墮諸數。如此下結詞也。謂如上非思欲。過三界。諸漏盡離數量不可思議之身。

更有何疾生起。故云當有何疾。被淨名彈訶竟。○三聞空聲安慰。分二。(初)阿難羞愧。(二)空聲安慰。今初。

時我世尊。實懷慚愧。得無近佛而謬聽耶。

實懷慚愧者。如上維摩詰彈訶。其言剛直。其理分明。讚歎佛身。本無有疾。更無疑義。又如來真實語者。今言有疾。不敢疑佛錯說。我既多聞第一。向無差忒。或是心蟲謬聽佛語耶。因此遂生慚愧。○二空聲安慰。

即聞空中聲曰。阿難。如居士言。但爲佛出五濁惡世。現行斯法。度脫衆生。行矣阿難。取乳勿慚。

空中聲者。以阿難不疑佛語之錯。不疑居士說法之非。但生慚愧。疑自聞之謬。從此不敢自謂多聞。墮於疑海之中。究竟不知是義之所歸趣。故感如來真空無相法身中出聲安慰。開示如居士言者。謂淨名所說佛身無疾之言。但爲佛出五濁惡世。現行斯法者。五濁卽劫濁見濁煩惱濁衆生濁命濁也。以五濁衆生剛強憍慢。嫉妬正法。現行斯事。即現有疾乞乳。以化度如是衆生也。行矣。取乳勿慚者。此正安慰也。意謂如來逆順皆是方便。度脫一切有情。深位菩薩尙不能盡知。豈以行位俱淺之聲聞而得知之乎。○四結不堪之由。

世尊。維摩詰智慧辯才。爲若此也。是故不任詣彼問疾。


智慧辯才爲若此者。指上所辯佛身無疾之辭也。前旣被斥。今若再往。復被訶斥。則又玷辱於佛也。故不堪任詣彼問疾。十命阿難竟總結上文命十大弟子竟。○二五百弟子皆辭不堪。

如是五百弟子。各各向佛說其本緣。稱述維摩詰言皆曰不任詣彼問疾。

此即結廣也。謂不但十大弟子被訶。卽五百弟子皆有被訶之緣。各說本緣者。述其被訶之本因緣也。以未來此土。今故略之。以上弟子品竟。

(未完)





## 法性宗明綱論

(貫攝)

(端甫)

凡建立宗門者必有一宗大指所謂大指者非徒謂能顯示本宗之全體而已也橫賅豎徧曲暢旁通實可隱攝各宗之妙義焉故論主賓之分則本宗爲主而諸宗爲賓凡諸宗之緒論皆與本宗相輔相成卽或有相反對之言詮若推其指趣所歸亦無不彼此會趨乎一致故學教者先明總相次依一宗深入最後圓攝諸宗會歸一體如導水者能知全大地中水勢之利害又能別其源流疏之導之得所歸墟庶幾稱觀止耳矧法性一宗在佛爲究竟了義之旨。在諸菩薩爲圓滿妙智之門。在釋迦佛世爲四十九年不二之玄宗。在諸佛刹土爲無量數佛同証之妙道。在西土諸師爲大乘法中首關之中道通途。在我國土中亦爲最古之一乘邃論。雖後世諸宗徒或別開蹊徑。自關町畦。或隱附前流。發明奧致。然揆其微旨。類多以本宗之義爲其最初從出之源焉。是故本宗之指爲本宗獨一無二之妙傳。而亦爲諸宗所不能離之最精之神髓。雖曰大教諸宗皆不離本宗之指。以爲之根柢。然亦可爲之轉一語曰。本宗之指非徒本宗之指也。是名本宗之指而已。何言乎非本宗之指。以本宗無別本宗之指。本宗之指卽諸佛諸祖之指。

也。又本宗之指非專遵一二經之指實卽表示全藏之指也。亦可本宗之指非一法門之指實爲一切法門之指也。故曰本宗之指爲本宗獨一無二之妙傳而亦爲諸宗所共同而不能離之最精之神髓也。則試叩人天之衆而與之言曰大教諸宗莫出二諦二諦之理八不全收從一中道發生二慧依於正智融成三觀顯了萬相建立萬法復會萬法指歸一實乃至於無相相無相亦曰諸法實相亦是性空亦卽本有是爲法性宗之全功諸部教中破偏顯正尤爲最切最易明了信受佛教之徒果能於此深信卽信實相由信入解解窮行起證入圓門佛正知見復何難哉復何難哉故本宗之建立以法性爲其宗體挈大教之綱維定羣言之邪正開唯一之中觀顯不二之妙慧使世間衆生外道凡夫二乘方廣得以會通一代時教究了二諦總持全藏以歸本于一眞法性中道實相窮偏妄際得中正理簡而能徧切而復深此本宗各部所述諸義要門所以言無不窮病無不破先哲所稱良非虛矣。

雖然吾之爲斯言也固非偏詡一宗之言也。從上諸師皆相傳云諸教爲治衆生本宗義指又爲藥教蓋學教之人自非廣讀博覽之士恆多少得自是執一謗餘或先入爲主不會後讀諸經或名相不通不能據他經以相証明或自負名聞不知言知或情多徧急不事深求或執論而不通經或執小論而疑大法或執大論而撥無小或執此經不信餘經或存我見以解諸經悖違實相諸如此類執病甚繁本宗爲顯正見先破衆執衆執旣除正智眼啓於諸法相皆能得其眞所現相是故八不二觀正明二諦二諦旣正

佛

學

業

報

諸佛法門八萬藏教無不可通諸佛諸師諄諄以此宗要義示人非偏談也

是故龍樹阿闍黎自詣山塔出家受戒而後九旬讀藏小乘盡達爰進求摩訶衍經時當大乘隱沒之後唯遇雪山老僧傳以少分稍闕實義未得通途周訪闔浮訖不再得大乘之興幾焉缺望唯時與外道沙門屢相激辯輒樹大義多所播頽然以大乘義門未深嘗幾爲外道弟子所屈頗爲所動心念未盡大乘欲以識心推測盡餘佛理立新教制新戒更造新服稱師傅度示已爲一切智人不再受學擇日當行偶止靜水精房中研思建設爲大龍菩薩所知愍其狂恐迎入大海宮開七寶華函讀方等深妙經藏九十日中豁然頓悟了知諸法一相之旨深證無生二忍具足得佛知見爰辭龍宇復歸南天方斯時也衆望歸之若雲從焉遂顯圓乘盡擢邪外立二十七中道三觀義門建八不幢正二諦法顯揚一味圓中第一妙義蓋微特釋迦一代時教慧日因之再中卽威音已來七佛相傳及龍樹以上十二代心宗諸師單提直指法門亦何嘗不於一相中觀收攝罄盡也

夫世尊菩提樹下明星現時悟無上道曰奇哉一切衆生具有如來正智覺相但佛以妄想執著而不證得夫所謂一切衆生具有之相者非即此不生不滅不常不斷不一不異不來不出之實相而誰乎妄想執著又孰大于此八倒者乎由八倒見故失中道流轉諸趣經歷苦劫哀此羣生盲瞽蚩蚩自非佛智其何能証然佛雖証非有機感仍不言也故二七日中唯懷寂靜爾後隨機應感大教方流故教者應機而



佛

學

叢

報

宣者也。又衆生之機有利根有鈍根有極利根有極鈍根有中根根有利鈍見有是非如來愍之隨所應  
 度以種種言說句味而爲化度所謂初中後初句者謂因緣法生因緣法滅苦斷樂常此一彼異如來解  
 來凡外見去是爲初中句者謂生本不生本不生故滅亦不滅斷無可斷無斷故常亦非常一不此不  
 一故彼異不異來無所來內無所來外亦無所去是爲中後句者謂不生非不生即不生不滅非不滅  
 即不不滅不常不斷不一不異不來不去亦如是是爲後此之八句即是假空中等攝一切是等攝一切  
 不等攝一切非彼此鑠融相即相入故曰一相無相空相實相法相二相諸相非相總之不可以有無拘  
 不可以情謂執妙覺如如天真獨朗日行天頂光被萬象是謂諸正覺無上秘密之法藏也  
 故如來從初成道訖四十九年修無修得無得証無証說無說觀衆生所有諸病不離八邪即以八不阿  
 伽陀藥而爲救療病除即證妙有法身其實則衆生本來所自具也是故威音王佛唯此一圓相也非一  
 切語言文字所能畢宣毗婆尸佛唯此無相句也故雖說亦止曰身從無相中受生猶如幻出諸形像幻  
 人心識本來無罪福皆空無所住幻出受生謂假幻識本無謂空假空無住謂中也尸棄佛偈曰起諸善  
 法本是幻造諸惡業亦是幻身如聚沫心如風幻出諸根無實性善幻惡幻謂假有如沫如風謂體空諸  
 根非無無實非有謂中也毗舍浮佛偈曰假借四大以爲身心本無生因境有前境若無心亦無罪福如  
 幻起亦滅四大身境謂假心本無生謂空亦起亦滅非有無攝中也拘留孫佛偈曰見身無實是佛身了

心如幻。是佛幻了得。身心本性空。斯人與佛何殊。別身心如幻。謂假身心。本性即空了。此假空無二中也。拘那含牟尼佛偈曰。佛不見身。知是佛。若是有知。別無佛。智者能知。罪性空。坦然不怖于生死。佛不見身。知是佛。即假明空也。若是有知。別無佛。即空明假也。了知身佛有無。是非即中道也。迦葉佛偈曰。一切衆生。心清淨。從本無生。無可滅。即此身心。是幻生。幻化之中。無罪福。一切衆生。諸相假有也。心淨無生。本性空也。身心幻化。罪福無性。知幻即離。離於二邊。爲中道也。釋迦牟尼佛偈曰。法本法無法。無法法亦法。今付無法時。法何曾法。法即假法。無法即法。性空無法。法亦法。非有非無。即謂中道。又有無法可付。爲假所付。無法爲空法。法何曾法。非有非無。亦謂中道也。如上七佛傳心法偈。妙義無窮。諸佛歷劫說之。有不能盡。今略就本宗所明二諦三觀之義言之。其可以徵其同源而共貫者。固有如是焉耳。

抑微特七佛法。偈可徵本宗之義已也。摩訶迦葉偈云。法本法無法。無法非法。何於一法中有法。有非法。法本法者。本來不生不滅等法也。無法者。法性真空。無非法者。法爾假有也。何於一法中有法。有非法。非有非無。中道句也。阿難偈曰。本來付有法。付了言無法。各各須自悟。悟了無無法。付有法。謂假言無法。謂空悟無復無。無中也。商那和修偈曰。非法亦非心。無心亦無法。說是心法時。是法非心法。非法非心。有是假有。無心無法。真是真空。是心法則無非非心法。則無是中也。優婆塞多偈曰。心自本來心。本心非有法。有法有本心。非心非本法。心自本來之心。即本性空。法是心無之法。即法假有。有法本心而非心。



本。法。即。非。無。非。有。中。也。提。多。迦。偈。曰。通。達。本。心。法。無。法。無。非。法。悟。了。同。未。悟。無。心。亦。無。法。所。通。之。法。法。即。假。法。所。達。本。心。本。心。即。空。無。法。無。非。同。悟。未。悟。離。心。法。有。無。一。切。是。非。中。也。彌。遮。迦。偈。曰。無。心。無。可。得。說。得。不。名。法。若。了。心。非。心。始。了。心。心。法。無。可。得。之。法。法。即。是。假。無。心。之。心。心。體。即。空。是。心。非。心。是。法。非。法。即。是。中。也。婆。須。蜜。偈。曰。心。同。虛。空。界。示。等。虛。空。法。証。得。虛。空。時。無。是。無。非。法。心。同。虛。空。界。空。也。示。等。虛。空。法。假。也。證。得。空。法。無。是。無。非。中。也。佛。馱。難。提。偈。曰。虛。空。無。內。外。心。法。亦。如。此。若。了。虛。空。故。是。達。真。如。理。本。無。內。外。是。空。所。顯。心。法。是。假。於。虛。空。性。達。真。如。理。中。也。伏。馱。蜜。多。偈。曰。真。理。不。無。名。因。名。顯。真。理。受。得。真。實。法。非。真。亦。非。偽。不。無。之。名。名。是。假。名。所。顯。真。理。即。真。空。理。即。名。即。真。非。真。非。偽。即。中。道。也。脇。尊。者。偈。曰。真。體。自。然。真。因。真。說。有。理。領。得。真。真。法。無。行。亦。無。止。自。然。真。體。謂。性。空。所。說。有。理。謂。假。有。得。真。真。法。無。行。無。止。即。離。有。無。中。也。富。那。夜。奢。偈。曰。迷。悟。如。隱。顯。明。暗。不。相。離。今。付。隱。顯。法。非。一。亦。非。二。二。即。空。假。非。一。非。二。即。中。也。馬。鳴。大。士。偈。曰。隱。顯。即。本。法。明。暗。元。不。二。今。付。悟。了。法。非。取。亦。非。離。顯。假。隱。空。二。而。不。二。不。悟。空。假。不。二。成。二。空。假。若。悟。即。二。不。二。於。此。二。不。二。之。體。相。無。取。無。離。即。中。道。也。迦。毗。摩。羅。偈。曰。非。隱。非。顯。法。說。是。真。實。際。悟。此。隱。顯。法。非。愚。亦。非。智。真。實。際。真。空。也。所。說。者。假。法。也。悟。此。非。隱。顯。隱。顯。法。中。道。也。右。龍。樹。已。上。十。三。祖。之。心。髓。與。前。七。佛。之。法。偈。皆。含。有。八。不。三。觀。之。玄。義。其。中。妙。緒。環。生。智。者。自。會。故。龍。樹。之。偈。二。十。七。觀。門。也。揭。從。上。之。心。諦。開。簡。易。之。法。門。道。隱。於。無。言。假。言。以。明。之。法。泯。于。異。論。藉。論。以。顯。

之。然。立。言。說。者。無。是。心。也。應。衆。生。言。而。言。因。衆。生。說。而。說。故。雖。有。所。言。說。於。心。不。證。於。法。不。取。歷。破。凡。夫。外。道。小。乘。大。執。初。無。所。曠。也。建。立。八。不。二。諦。三。乘。一。乘。無。所。喜。也。破。其。所。破。立。其。所。立。故。其。傳。心。偈。曰。爲。明。隱。顯。法。方。說。解。脫。理。於。法。心。不。証。無。曠。亦。無。喜。隱。顯。法。者。非。有。非。無。中。道。法。也。解。脫。理。者。二。十。七。觀。門。之。理。也。心。法。雙。忘。照。有。不。證。於。空。不。著。二。諦。之。妙。軌。也。無。曠。無。喜。說。無。所。說。法。本。無。法。破。無。所。破。立。無。所。立。也。一。法。界。中。心。佛。衆。生。本。有。之。妙。明。般。若。所。現。之。實。相。已。矣。是。以。迦。那。提。婆。繼。踵。而。興。製。百。論。廣。百。論。等。一。遵。龍。樹。法。轍。其。傳。心。偈。亦。云。本。對。傳。法。人。爲。說。解。脫。理。於。法。實。無。證。無。終。亦。無。始。此。乃。於。阿。闍。黎。無。曠。無。喜。句。脫。去。窠。臼。而。更。轉。之。曰。無。終。無。始。明。此。不。生。不。滅。中。道。實。性。本。無。有。始。亦。無。有。終。所。謂。天。地。有。壞。這。個。不。壞。非。乎。然。歷。代。佛。祖。或。散。說。此。中。道。實。性。之。理。於。一。切。經。論。之。內。或。隨。出。此。八。不。少。分。句。義。於。一。切。時。間。尠。有。如。龍。樹。提。婆。師。資。之。如。是。精。心。結。撰。者。也。馬。鳴。之。製。起。信。論。也。示。從。生。滅。入。眞。如。門。方。唯。曰。推。求。五。陰。色。之。與。心。六。塵。境。界。畢。竟。無。念。以。心。無。形。像。十。方。求。之。終。不。可。得。乃。至。若。能。觀。察。知。心。無。念。即。得。隨。順。入。眞。如。門。又。示。隨。順。方。便。觀。入。眞。如。正。觀。法。曰。若。知。一。切。法。雖。說。無。有。能。說。可。說。雖。念。亦。無。能。念。可。念。是。名。隨。順。若。離。於。念。名。爲。得。入。釋。迦。已。往。龍。樹。未。來。其。間。開。顯。中。觀。寄。於。文。字。者。唯。此。數。言。最。爲。明。了。後。時。三。論。出。興。皆。發。此。意。嗚。呼。書。之。重。詞。之。複。其。中。必。有。美。者。焉。東。方。聖。人。不。我。欺。矣。

(未完)

謹守遺命

宋懷志金華人。幼業講。因一禪者激發。棄講參方。晚至洞山。得法於真淨文禪師。久之辭去。真淨囑曰。子禪雖逸格。惜緣不勝耳。志拜受命。至袁州。州人請住持揚岐。掣肘而去。游湘上。潭牧請住上封北禪。皆不受。菴於衡嶽二十餘年。有偈曰。萬機休罷。付癡憨。蹤跡時容野鹿參。不脫麻衣拳作枕。幾生夢在綠蘿菴。晚投龍安。龍安處之最樂堂。遂終老焉。

贊曰。顯達人之所欲。遵遺命而力拒諸請。可不謂難乎。今人嗜名利。棄禮義。不請而往者紛如矣。尙何憶乎師命。

# 敦皇石室經卷中未入藏經論著述目錄

疑偽外道目錄附

臨川李翊灼輯

翊灼案佛教典籍浩繁歷來編目錄者胥依經律論三藏列次三藏中又復各分大小乘以爲前後此例尙嫌備侗不便觀覽茲準涅槃經六波羅蜜多經定例分爲大乘小乘大乘中分經藏律藏論藏祕密藏雜藏五類小乘中不分庶統緒朗然而易於尋攬惟此項未入藏經卷多係破碎首尾不完翊灼以限於日力愧未及一一詳爲考證也

## 大乘經藏類

華嚴畧疏 辰字第五十三 一卷

翊灼案此係釋六十華嚴尋繹文義頗類雲華搜玄記不知何人著也

華嚴行願品頌 寒字第八十四 始字第五十七 共二卷

普賢行願王經 字字第三十五 一卷

翊灼案此二經皆是唐譯之異本可資雠校

大方廣華嚴十惡經 芥字第四十五 一卷

翊灼案此經未見著錄本卷不完未能覘其義趣以定真偽姑附於此俟後考證

維摩經疏

洪字第十一 昃字第二十六 昃字第二十三 昃字第二十四 呂字第九十六 生字第九 崑字第九十九  
岡字第六十二 夜字第四十三 河字第九十九 淡字第七十六 潛字第四十三 潛字第九十八 羽字第十  
九 師字第七十七 帝字第四十一 帝字第八十六 烏字第八十七 始字第七十八 服字第九十一 共二  
十卷

維摩經解

倫字第八十六 昃字第五十 爲字第八十六 裳字第七十三 共四卷

翊灼案此二種二十餘卷皆不完整不能考爲何人之作惟其文義頗精實淨名經之要著也

維摩經科要

騰字第四十七 一卷

維摩經義科

致字第六十二 一卷

翊灼案此二種可備參攷惟首尾亦不完不識爲何人著作

維摩經義記

辰字第三十二 一卷

翊灼案此卷末題釋瓊許寫審其文義蓋是隋慧遠所著之八卷本也

維摩經肇注

往字第九十一 歲字第十七 致字第七十一 致字七十二 霜字第十六 夜字第七十一 重字第二十  
淡字第五十一 帝字第九十 皇字第三 始字第十三 制字第三十二 字字第五十三 乃字第五十四

共十四卷

翊灼案此與流通本之肇注有不同者可資讎校

維摩經集解開中疏 道液撰 秋字第七十二 閏字第九十六 生字第二十四 奈字第八十二尾 震字第七十 震字第九十四 河字第五十三 河字第三十六 位字第四十八 共九卷

內題資聖寺沙門道液述

翊灼案道液爲人不詳此疏融會性空義旨甚精可寶也

賢護經疏 列字第十三 淡字第十九 淡字第七十五 共三卷

翊灼案此是性宗著述疏義甚精借首尾不完

勝鬘經疏 玉字第二十四 奈字第九十三 共二卷

翊灼案此疏似六朝人著作齊楊都沙門法瑗有勝鬘經解三卷不知即此否也

觀彌勒上生經疏 服字第二十二 生字第六十八 共二卷

翊灼案此是相宗人著述二卷已得十之六七可寶也

无量壽大慈經 震字第八十九 一卷

閻羅王受記經 鹹字第七十五 一卷

內題佛說閻羅王受記令四衆逆修生七齋往生淨土經

讚僧功德經 海字第七十八 服字第六十二 衣字第二十二 共三卷



菩薩見實三昧經 宇字第二十七 一卷

究竟大悲經 宙字第十五 一卷

大通方廣經 盈字第十九 第二十四 列字第五 露字第六十六 衣字第一 共五卷

淨度三昧經 辰字第二 結字第六十五 共二卷

普賢菩薩說咒經 來字第六十四 暑字第六十 共二卷

佛說禪門經 露字第九十五 烏字第三十三 共二卷

莊嚴成佛經 果字第六十九 一卷

入无分別總持經 震字第二十二 一卷

慈教經 河字第六十四 一卷

父母恩重經 翔字第二十五 一卷

大丈夫經 始字第十七 一卷

翊灼案以上十四經或向未見著錄或久遺佚今姑附此以待詳考

大般若經釋 潛字第六十九 第七十四 帝字第八十三 共三卷

翊灼案釋大般若者著錄所見甚少此卷或宗智論爲之歟

佛

學

叢

報

般若心經疏 崑字第十二 闕字第九 共二卷

翊灼案此經疏家極多此疏甚精發揮性空義旨至為透豁唐初人著作也

金剛般若經疏 收字第一 閏字第二十一 第二十八 第四十八 榮字第十五 翔字第三十七 始字第三十七 共七卷

翊灼案此疏七卷似非一種然斷文殘卷殊難究竟繹其文義則甚精要空宗之傑著也

釋般若中名義 結字第九十三 一卷

翊灼案此卷可作空宗參考

般若心經 海字第七十七 一卷

翊灼案此又一譯可資讎校

涅槃經疏 地字第九十三 字字第六十 閏字第二十四 第七十六 第九十一 餘字第四十六 致字第七十 制字第八十九 共八卷

翊灼案此疏殘佚太多不可考為何人著作文義旨趣則性宗也

涅槃經義記 雨字第九十 一卷

翊灼案此隋慧遠所著義至精要日本續藏收而不全此卷或能補其闕則尤可寶也

法華經玄贊 黃字第十二 昃字第六十八 季字第二十 河字第三十九 共四卷

翊灼案此為唐慈恩寺窺基撰以相宗之精英發明一乘之祕奧最極圓湛此卷惜闕略太多將來

或能從日本續藏中鈔補以爲完璧則尤可寶也

法華疏 暑字第七十 致字第十五 結字第四十三 玉字第二十六 號字第六十六 李字第二十 榮字第十一 淡字第三十二 始字第五十三 共九卷

翊灼案此疏殘佚甚多不可考辨據其義理則賢家最精者聞賢首有法華疏若干卷此其是歟

阿彌陀經義述 晨字第三十 官字第三十五 共二卷

翊灼案此卷未見著錄義甚精惜殘佚也

觀無量壽佛經疏 鳥字第九十四 官字第四十三 共二卷

翊灼案此經疏家甚多此疏未曾經見據其文義則亦唐初人所撰也

稻芊經隨聽手鏡記 藏字第九 調字第五十 陽字第三十四 雲字第十八 結字第五十九 榮字第八十九 鹹字第十四 第五十九 始字第六十二 制字第七十三 文字第五十八 第七十五 裳字第十三 共

十三卷

翊灼案此疏爲相宗秘要之典所述多相宗入門精義惜諸卷重複過多合之仍闕尾也

### 大乘律藏類

梵網經菩薩戒疏 藏字第五十五 第七十四 共二卷

翊灼案此與智者賢首二疏均不同不知何人所著惜已殘佚過半矣

菩薩戒義 榮字第七十八 爲字第十四 共二卷

翊灼案此係散義可備參攷

大乘論藏類

起信論釋 海字第九十五 衣字第四十 共二卷

起信論義述 藏字第四十六 淡字第四十八 始字第四十 第四十一 共四卷

翊灼案此二種皆賢首宗人著述而義述尤與賢首義記大同或即義記之初稿歟

十地經論釋 藏字第七十八 一卷

翊灼案此卷前後均佚考其義趣殆亦唐初人著作也

因緣心論釋 海字第十七 一卷

翊灼案此釋係龍猛菩薩造歷代久佚之本也

因緣心釋論開決記 麗字第八十三 海字第三十九 共二卷

翊灼案此即釋前釋論者發明相緣相義甚精惜多佚也

大乘四法經論廣釋開決記 結字第三十 官字第四十二 共二卷

翊灼案古來釋四法經論者甚少此卷發明顯透可資尋繹

大乘五門十地實相論 勝字第六 露字第四十三 共二卷

翊灼案此論未見著錄譯人及所出年代均不可考

金剛仙論 地字第五十四 盈字第二十七 閩字第六十六 共三卷

翊灼案此論日本續藏收題為金剛仙菩薩造開元釋教錄則云金剛仙論十卷尋閱文理乃是元

魏三藏著提留支撰釋天親論者未知孰是

圓明論 服字第六 一卷

內題馬鳴菩薩造

又題目云明心色因果品第一要門方便品第二辨明修道擇因果品第三辨明三乘逆順觀品第

四簡異外道緣生本品第五入邪正五門辨因果品第六自心現量品第七簡妄想品第八辨明聲

體品第九

翊灼案此論未見著錄譯人出時並不可考

瑜珈師地論隨聽手記 辰字第八十七 秋字第五十七 冬字第七十二 閩字第九十八 露字第八十二 光字第二十六 奈字第九十七 共七卷

翊灼案日本續藏收唐遁倫記二十四卷窺基略纂十六卷瑜珈師地論著述僅存此矣此卷不知

何人著作其云隨聽手記或亦聽奘師講演而記錄之歟審爾則甚可貴也

瑜珈師地論科 字字第九十 宙字第六十六 共二卷

瑜珈師地論釋 張字第六十三 官字第十六 共二卷

翊灼案此二種可資參攷

百法論疏 荒字第七十八 辰字第七十三 列字第三十二 秋字第六十一 冬字第二十五 呂字第三十七 陽字第二  
十 金字第十八 玉字第五十六 號字第四十 奈字第九十八 榮字第三 潛字第五十七 第五十九 官

字第六十五 字字第三十二 共十六卷

翊灼案此論疏者甚多而流傳甚少此卷不審爲何人著作然其釋義精極作者其爲大乘光之流

亞無疑也

百法義章 露字第四十六 一卷

翊灼案此卷完全釋義亦明了

百法論述義 崑字第六十一 一卷

翊灼案此卷殘佚太多不可考辨矣

百法論開宗義記 露字第六十二 水字第六 出字第一百 海字第十九 鳥字第六十七 共五卷

翊灼案此記未見著錄據文義亦唐初諸師所著發明相宗義甚精詳也

無名論 宙字第九十五 一卷

內題三慧品第一百九十四

又一卷 騰字第二十三 一卷

內題觀聲性空證實際品觀三處空證菩提品

又一卷 騰字第二十一 一卷

內題求善知識不惜內外壽命嫌疑第十品

又一卷 騰字第五十九 一卷

內題禪章第五般若章第六出家章第七孝慎章第八戒色慾章第九

又一卷 號字第二十六 一卷

內題顯一切衆生身內有佛父母品第六對治服藥論第七除一切衆生修道作佛病品第八一切

賢聖心海發作扭捩渾合品第九一相諸法卽道解脫品第十

又一卷 人字第二十一 一卷

內題佛性同異章第七

又一卷 爲字第四十六 一卷

內題煩惱卽菩提品第九

朔灼案以上各卷均是論類惜均殘佚姑存於是以俟詳考

無名論釋 帝字第十七 一卷

翊灼案此卷文義審為論釋借所佚太多不可稽考

大乘秘密藏類

無量壽宗要陀羅尼經 帝字第三十一 一卷

翊灼案此經未見著錄綜核文句與元沙囉巴所出之無量壽決定光明王陀羅尼經蓋同一梵本也

如意輪陀羅尼經 餘字第八十五 一卷

翊灼案此又一譯可資讎校

諸星母陀羅尼經 收字第五十七 一卷

金有陀羅尼經 收字第四十 一卷

翊灼案此二經未見著錄

大佛頂首楞嚴陀羅尼經 字字第二十二 一卷

翊灼案此又一譯可資讎校

解百生怨家陀羅尼經 推字第九十二 一卷



劫灼案此卷文義可疑姑存於此以俟後考

東方金剛大集想 吳字第五 一卷

瑜珈禮 水字第二 一卷

法身禮 推字第七十九 一卷

救濟苦難陀羅尼 始字第六十八 一卷

施餓鬼水食真言印法 收字第六 一卷

金剛蓮華大摧碎真言 吳字第九 一卷

劫灼按以上六種皆真言宗散法此土阿闍梨之著作也

金剛頂四十九種壇法軌則 冬字第七十四 一卷

內題金剛峻經金剛頂一切如來深妙秘密金剛界大三昧耶修行四十九種壇法作用威儀法則

大毘盧遮那佛金剛心地法門法界壇法軌則 冬字第七十四 一卷

同前並題大興善寺大廣智三藏不空奉詔譯

金剛頂瑜珈迎請儀 餘字第十九 一卷

內題金剛頂經一切如來深妙秘密金剛界大三昧耶修習瑜珈迎請儀

末題大興善寺大廣智三藏不空奉詔譯

金剛頂經金剛界修習瑜珈儀 餘字第十九 一卷

內題金剛頂經一切如來真實攝大乘現證大教王經深妙秘密金剛界大三昧耶修習瑜珈儀

末題大興善寺大廣智三藏不空奉詔譯

朔灼案以上四種秘密軌則皆真言宗要法也

大神力都攝一切咒王帝殊羅尸金剛大道場三昧陀羅尼 光字第九十五 一卷

朔灼案此是佛頂部真言與大佛頂咒同類也

如意輪王摩尼別行法印 官字第十五 一卷

朔灼案此卷載印法甚悉真言宗之秘典也

秘密義抄 淡字第四 一卷

朔灼案此是真言宗散義

頓悟大乘秘密心契禪門法 致字第八十六 一卷

內題惠達和上撰

朔灼案惠達不可考此文係頌類明義甚精也

大乘雜藏類

禮阿彌陀佛文 果字第八十八 一卷

淨土願文 服字第二十八 一卷

翊灼案此二種亦不完全不可考證

西方淨土讚 果字第四十一 一卷

歸西方讚 文字第八十九 一卷

翊灼案此二種義甚好著者不可考矣

淨土義 潛字第五十一 一卷

翊灼案此卷發明淨土之義甚精惜首尾不完

淨土懺 乃字第六十八 一卷

翊灼案此懺亦非流通諸種不詳作者也

安心義 宿字第九十九 一卷

真了性壇語 寒字第八十一 一卷

內題和尚頓教解脫禪門真了性壇語

无名上士集 園字第八十四 一卷

內題觀行法為有緣沙門知嵩述

大乘无生方便 生字第二十四 一卷

堅義 劍字第八十七 一卷

內題本迹第三真應第四境智第五因果第六

融印相无相論 奈字第五十五 一卷

內題三教對於三佛論第四三根對於三教論第五釋三佛有說無說論第六辨共成佛為不共成

佛論第七有執無執論第八淨土論第九二諦論第十十二因緣論第十一禪枝論第十二

末題承相王五門佛性義

又題沔丘釋道遵許案許字或說字數

又題沙彌庫狐純醉寫

一乘顯自心論 宇字第四 一卷

了性句 寰字第六十七 一卷

證心論 寰字第七十五 一卷

翊灼案以上九種皆是禪宗人著述發明心宗要義甚暢

无相禮 重字第二十一卷

□□觀修善法 制字第七十九卷

翊灼案此二種亦禪宗撰述之類

所緣緣論釋 鳥字第九十三卷

翊灼案此釋不知何人所著發揮相宗義旨甚精也

釋八識義 潛字第六十七卷

釋唯心識義 金字第三十三卷

相宗散義 月字第九十一 寒字第四十六 陽字第四十三 生字第四十七 珠字第五十一 共五卷

翊灼案右三種皆相宗碎義足資考證

大乘入道次第章 日字第五十 重字第五十一 共二卷

翊灼案此卷係唐智周撰中土久佚日本續藏收惜不全也

無名疏釋 珠字第七十四 奈第七十六 官字第二十 人字第九十五 共四卷

翊灼案此四卷文義亦是相宗類惜未能詳考也

大義章 洪字第五十三 一卷

內題及法師撰

翊灼案晉慧遠有與鳩摩羅什法師問答大乘大義章三卷此不知是否當取日本續藏收者一校之也

答上問法書 位字第二十 一卷

翊灼案此卷義趣甚精不知何師承答帝問之辭也

斷惑義 文字第一百 一卷

破昏怠法 字字第一 一卷

翊灼案此二種皆大乘散義

私彌陀彌勒懺文 始字第四十六 一卷

題釋洪秀撰

釋氏雜文稿 宿字第五十 成字第九十八 海字第五十一 字字第五十九 共四卷

義淨三藏碑文 字字第十九 一卷

翊灼案此三卷皆雜稿然可備資參究

無名疏解

結字第四十八 崑字第八十三 榮字第四十 師字第九十七 烏字第三十一 制字第四十五 文字第四十  
一 字字第九十 裳字第五 共九卷

翊灼案此九卷皆疏釋經論者姑存於此俟後詳考

目連入地獄俗文

登字第七十六 成字第九十六 霜字第八十九 麗字第八十五 共四卷

八相成道俗文

雲字第二十四 一卷

維摩經俗文

光字第九十四 一卷

佛本行俗文

潛字第八十 乃字第九十一 共二卷

勸戒俗文

烏字第十 一卷

悉曇頌俗文

烏字第六十四 一卷

法華經俗文

制字第四十九 一卷

述地獄苦俗文

衣字第三十三 一卷

和戒俗文

推字第二十八 一卷

翊灼案以上九種皆通俗勸導之文也

小乘類

天請問經疏

黃字第十九 一卷

翊灼案此疏發明四諦等義甚精小乘中最要之典也

溫室洗浴衆僧經疏 生字第六十八 一卷

翊灼案此隋慧遠所著也釋小乘義極精要惜殘佚甚多

四諦法門經 生字第十 一卷

佛說救疾經 芥字第八十三 一卷

法王經 鹹字第二十六 一卷

五无返復經 制字第六十八 一卷

無常三稽經 辰字第六十三 一卷

翊灼案此五種皆小乘經未詳譯代

佛說犯戒罪報輕重經 裳字第二十七 一卷

四分戒本疏 始字第二十 一卷

翊灼案此二種小乘戒也

三寶四諦 官字第九十三 人字第七十二 共二卷

小乘三科 致字第七十四 龍字第八十二 裳字第六十六 共三卷



小乘部義抄 洪字第九十 盈字第十 共二卷

翊灼案此皆小乘散義

附錄

觀世音三昧經 餘字第八十 一卷

翊灼案此經見周錄疑偽類

大辨邪正經 麗字第十一 一卷

翊灼案此經托名樊師譯偽也

八陽神咒經 洪字第三十八 一卷

翊灼案此經與藏中收本不同偽也

要行捨身經 張字第六十九 一卷

翊灼案此經見開元錄偽妄類

七階佛名 河字第五十五 帝字第二 共二卷

翊灼案此種周錄入疑偽類

佛說證香火本因經 光字第九十七 一卷

佛說證明經 藏字第七十七 一卷

勸善經 翔字第二十二 一卷

新菩薩經 師字第二十 一卷

百行章 位字第六十八 一卷

救諸衆生苦難經 乃字第八 一卷

首羅比丘經 日字第八十七 一卷

翊灼案以上七種文義舛謬皆疑僞類

西藏文經 皇字第七十五 一卷

翊灼未嘗習藏文此卷不能定爲何經姑存於此以俟知者

道家無名經 地字第十七 黃字第八十七 辰字第十七 宿字第五十七 列字第十九 陽字第八十三 露字第四十三 重字第九十五 芥字第九十七 翔字第十四 鳥字第八十四 文字第八十五 服字第四十六 服字第八

十九 裳字第三十 位字第三十九 共十六卷

翊灼案此十六卷均道家經典其名未考

道家儀 皇字第四十七 金字第十八 皇字第二十 共三卷

太上洞元經 列字第十八 一卷

太上乘海空經 八字第一卷

太玄真一本際經 在字第七十六卷

元始上品經 在字第九十九卷

无上秘要道經 珍字第二十一卷


道家秘經 李字第七一卷

翻灼案以上七種皆道家

景教經 字第五十六卷

翻灼以種種考證證明此為景教之經會當別製考證文以質通士茲不具贅





# 金陵刻經處募刊大藏啟

(附大藏輯要)

自嘉興楞嚴寺書本藏經燬於兵火。研究釋業者。苦乏善本。池州楊仁山老居士。乃發弘誓願。會集我國歷朝及日本高麗所列全藏。參互攷訂。詳加抉擇。益以歷年由海內外訪求所得古德佚書。手定目錄。名曰大藏輯要。都凡三千三百二十卷。又四百三十六帙。創設刻經處於金陵城內。會同揚州常州長沙等處。精校刻印。垂四十餘年。已刻各經。刷印單行。久已風行宇內。辛亥武昌起義之前一日。仁老召集佛學研究會。遺言以金陵房舍器具及所藏古本經典。悉歸入刻經處。公之十方。並以刻經事委之陳穉菴。陳宜甫。歐陽鏡無二君。即言我事已畢。泊然坐逝。三君自受。仁老委託。繼續核刻。悉遵舊章。陳君穉菴犧牲一切。常駐金陵。專司校印。兩年以來。又刻成十餘種。而按之仁老手定經目。未付剞劂者。尚一千三百餘卷。計需刻資二萬四千餘金。集腋為難。竣工無日。爰集同志。綜計刻資。分爲四十八大願。每願五百元。年繳百元。分五年繳足。其願一次繳足者尤善。刻經處以逐年收入之款。陸續刻印。期以五年。全書告成。除由同人先各認一願或兩願外。所願十方善信。不舍悲願。饒益衆生。或一人獨認數願。或數人合

專 件

第八期

認一願。或擔任勸募。集數十百人而成一願。仗此願力之所攝持。始終如一。毋令中阻。庶四十八願。願願圓成。藉竟仁老未竟之志。完茲一篲之功。俾末世衆生。得霑如來無上法味。其爲功德。甯可比量。謹擬辦法如左方。

一 十方善信認一願或若干願除逕交金陵城內延齡菴刻經處外上海可交英大馬路寶記照相館

歐陽石芝望平街有正書局狄楚青杭州可交羊市街紫荊橋之江報社徐蔚如徐軼如由經手人

先給收條約期換給金陵刻經處收條

一金陵刻經處將此次集費刻經收支數目及所刻卷數每年開列清單交捐資人查閱每種刻成先

印樣本四十八部隨時寄請捐資人校閱

一所集刻資將來倘有盈餘或認款踴躍致溢出四十八願以外均應妥爲保存留充刷印全藏經費

並登報佈告以昭大信

大藏輯要共四百六十部計 三千三百二十卷 又四百三十六部

華嚴三十二部 二百四十九卷 五十四部

已刻二十四部 三十六卷 四十四部

方等六十六部 四百零五卷 一百廿一部

已刻四十六部三百六十二卷

淨土五十七部一百廿八卷

已刻三十五部一百卷

法相二十五部四百四十一卷

已刻十一部一百三十五卷

般若二十三部一百七十九卷

已刻十八部一百六十五卷

法華十六部一百八十卷

已刻十部八十五卷

涅槃十三部一百十卷

已刻九部五十一卷

小乘經十六部一百五十卷

已刻五部六十六卷

密部五十六部二百廿九卷

專 件

專 件

已刻十七部八十九卷

大乘律十五部一帙五十八卷

已刻五部二十三卷

小乘律七部七卷四帙

已刻二部三卷

大乘論二十三卷一百四十一卷七帙

已刻十部五十一卷

小乘論四部七十一卷

已刻一部三十卷

西土撰集十六部七十卷三十五帙

已刻四部三十八卷

禪宗三十部二百五十七卷

已刻二十二部二百廿八卷

台宗十四部六十五卷十七帙

已刻八部三十六卷

傳記十一部一百八十五卷

已刻十部一百八十三卷

纂集九部二百七十八卷

已刻六部一百九十三卷

宏護十三部九十卷

已刻五部五十八卷

旁通十部十一卷

已刻五部十卷

導俗四部十六卷

均已刻

通計已刻二百五十八部一千九百五十八卷

未刻有卷數者一百八十九部一千三百六十二卷

未刻無卷數者十三部

專 件



華嚴部

華嚴經疏論纂要二百卷 清釋道忞編  
行願品別行疏鈔在內

此經并方山論清涼疏鈔懸談等共有三百八十  
餘卷論疏二者不可偏廢故取此部以就簡便

入法界品四十二字觀六紙欠

法界頌釋

西土龍樹菩薩頌  
清釋續法釋

法界玄鏡三卷 唐釋杜順集澄觀釋

常刻

法界觀注一卷 唐釋杜順集宗密注

又

五十要問答二卷 唐釋智儼撰

又

金師子章解一卷 唐釋法藏撰宋釋淨源解

又

指歸一卷 唐釋法藏撰

又

奧旨妄盡還源觀一卷又

又

一乘教義分齊章四卷又

又

明法品內立三寶章一卷又

又

義海百門一卷又

又



游心法界記一卷又 日本續藏

十明論一卷唐李通玄撰 甯刻

決疑論四卷又 又

原人論十二紙 唐釋宗密撰 又

吞海集三卷宋釋道通撰 又

法界觀披雲集五紙半 又 又

要解一卷宋釋戒環撰 又

七字經題法界觀門三十頌注二卷

宋釋本嵩頌元釋琮湛注 日本續藏

賢首五教儀開蒙一卷清釋續法撰 甯刻

法界宗五祖略記一卷又 又

感應緣起傳一卷清釋弘璧撰 揚刻

念佛三昧論一卷清彭際清撰 甯刻

如來不思議境界經九紙餘 又

大方廣佛華嚴經修慈分六紙餘

又

大方廣入如來智德不思議經十二紙餘

雷刻

大方廣普賢所說經四紙欠

圓覺經略疏貳卷唐釋宗密撰

揚刻

直解二卷明釋德清撰

日樹藏

近釋六卷明釋通潤撰

雷刻

十地經論義記八卷

隋釋慧遠撰

目錄注云原十四卷失九卷以下六卷

日續藏

共三十二部

二百四十九卷  
五十四紙

內一部未計卷數

方等部

大寶積經一百二十卷

雷刻

大方等大集經三十卷

又

大乘大方等日藏經十卷稱師云此即大集日密分而詳明

雷刻

大方等大集月藏經十卷

雷刻

維摩經注八卷姚秦鳩摩羅什及僧肇等注

又

玄疏六卷 隋釋智顛撰

湘刻

文疏二十八卷 又

日續藏目云未三卷權頂補

又

義記八卷 隋釋慧遠撰

日續藏

說無垢稱經疏六卷

唐釋窺基撰 亦名說無垢稱經贊

又

金光明最勝王經十卷

雷刻

疏十卷 唐釋慧沼撰

日續藏

金光明

玄義二卷 隋釋智顛撰 文句六卷

大乘本生心地觀經八卷

雷刻

思益梵天所問經四卷

又

入法界體性經十一紙

又

如來智印經一卷

又

勝鬘經寶窟十五卷 唐釋吉藏撰

又

大乘同性經二卷

觀佛三昧海經十卷

雷刻

專 件

大方等如來藏經十三紙

又

大乘徧照光明藏無字法門經五紙餘

十二頭陀經六紙

揚刻

大方便佛報恩經七卷

又

悲華經十卷

甯刻

六度集經八卷

又

藥師如來本願經一卷

又

藥師琉璃光七佛本願功德經二卷

常刻

觀彌勒菩薩上生兜率陀天經一卷

甯刻

彌勒下生經八紙

又

觀彌勒菩薩下生經九紙

甯刻

觀藥王藥上二菩薩經一卷

虞刻

大乘大集地藏十輪經十卷

又

地藏菩薩本願經二卷

甯刻

佛 學 叢 刊

佛

懺儀一卷清智旭

又

占察善惡業報經疏一卷清智旭

又

行法一卷又

又

三劫三千諸佛名經三卷即過去現在未來三劫諸佛名也  
龍藏分爲三今從閱藏知津

甯刻

大集賢護經五卷

又

巨力長者所問大乘經三卷

又

佛昇忉利天爲母說法經三卷

揚刻

佛說大方等大集菩薩念佛三昧經十卷

常刻

一切智光明仙人慈心因緣不食肉經四紙

月上女經二卷

諸佛要集經二卷

甯刻

央掘魔羅經四卷

大乘理趣六波羅蜜多經十卷

甯刻

不增不減經五紙半

專件

金剛三昧本性清淨不壞不滅經七紙欠

方廣大莊嚴經十二卷

妙色王因緣經三紙欠

流蘭盆經新疏一卷清釋智旭撰

德護長者經二卷

長者女菴提遮師子吼了義經八紙欠

佛爲優填王說王法正論經七紙餘

阿闍世王受決經三紙餘

龍施女經二紙餘

寶授菩薩菩提行經十三紙

大乘舍黎娑擔摩經七紙半

大乘造像功德經二卷

造塔功德經二紙

大莊嚴法門經二卷

攝別

攝別

又

實別

實別

又

又

又

甚深大回向經四紙欠

大方廣未曾有經善巧方便品四紙欠

造像量度經三卷 計經一卷圖解一卷續補一卷清工布查布譯

共六十六部 四百零五卷一百廿一紙

淨土部

無量清淨平等覺經三卷漢譯

阿彌陀經二卷吳譯

無量壽經二卷魏譯

義疏六卷隋釋慧遠撰

寶積經無量壽如來會一卷唐譯

無量壽莊嚴經三卷宋譯

大阿彌陀經二卷宋王日休合纂

無量壽經會譯一卷清魏承貫合纂

觀無量壽佛經疏妙宗鈔六卷 隋釋智顛疏宋釋知禮鈔

甯刻

甯刻

又

又

又

又

又

甯刻

揚刻

專 件

七

專 件



專 件

十四

佛 學

觀無量壽佛經四帖疏四卷唐釋善導撰

甯烈

阿彌陀經義記一卷隋釋智顛說灌頂記

日續藏

按智者大師有彌陀經疏世無傳本此義記一卷列在日藏名既不同解亦簡略未可即目以爲疏以例是大師遺著始錄於此俟他日求得原疏再爲易置可耳

通贊二卷唐釋窺基撰

日續藏

按此書原名通贊日藏題作通贊疏而書內注文實但曰贊則增疏字者非也今故仍題原名

疏一卷又

又

按日藏自此疏亦基師所作疑與通贊之初葉因傳錄而別行雖稍遜前書之闡釋而釋釋多所出入亦復自有勝處未可以彼而廢此故兩存之

疏一卷唐釋元曉撰

甯烈

疏鈔四卷明釋株宏撰

又

要解一卷清智旭

又

稱讚淨土佛攝受經十一紙

又

阿彌陀鼓音聲王陀羅尼經四紙

又

後出阿彌陀佛偈經並往生呪不思議神力傳共四紙

又

觀世音菩薩得大勢菩薩受記經一卷

又

大乘聖無量壽決定光明王如來陀羅尼經五紙

聖多羅菩薩經五紙欠

莊嚴王陀羅尼經三紙

阿彌陀佛大思維經在佛說陀羅尼集經內

佛說老女人經二紙

甯刻

佛說一切如來烏瑟膩沙最勝總持經七紙餘

無量壽如來修觀行供養儀軌一卷

無量壽經優波提舍願生偈九紙  
西土婆藪槃頭菩薩造

甯刻

註一卷

又

元魏釋曇鸞撰

贊阿彌陀佛偈一卷元魏釋曇鸞撰

又

略說安樂淨土義一卷又

又

安樂集二卷唐釋道綽撰

又

轉經行道願往生淨土法事贊二卷唐釋善導撰

日錄藏

觀念阿彌陀佛相海三昧功德法門一卷又

又

專 件



往生禮贊偈一卷又

又

依觀經等明般舟三昧行道往生贊一卷又

又

往生要集

源信

選擇本願念佛集一卷日本釋源空撰

日藏

游心安樂道一卷唐釋元曉撰

甯刻

集諸經禮懺悔文四卷唐釋智昇撰

樂邦文類六卷宋釋宗曉編

揚刻

龍舒淨土文十卷宋王日休撰

甯刻

蓮宗寶鑑七卷元釋普度撰

日續藏

淨土境觀要門六紙餘元釋懷則撰

淨土指歸集十卷明釋大佑撰

虞刻

淨土十要十卷清釋智旭編成時補

揚刻

蓮池西方發願文注一卷明釋株宏撰清釋實賢注

徹悟禪師語錄二卷清釋際醒撰

甯刻

報

聖

學

佛

角虎集二卷清彭際清撰

日續藏

淨土聖賢錄九卷清彭際清撰

揚刻

續編四卷清胡奩撰

又

種蓮集一卷清陳本仁撰

又

念佛警策二卷清彭際清撰

揚刻

西歸直指四卷清周夢顏撰

甯刻

觀佛法門輯略

共五十七部 一百二十八卷 五十六卷

內三部未計卷數

法相部

入楞伽經心玄義一卷唐釋法藏撰

日續藏

楞伽阿跋多羅寶經注解八卷明釋宗泐如珏同撰

湘刻

觀楞伽阿跋多羅寶經記十八卷明釋德清撰

甯刻

解深密經五卷

又

大乘密嚴經述讚 唐釋窺基撰

專 件

疏三卷 唐釋法藏撰

五祖略記止三卷日本續藏作四卷注云缺第一卷

瑜伽師地論一百卷 彌勒菩薩造

略纂十六卷 唐釋窺基撰

日續藏

瑜伽師地論記一百卷 唐釋通倫撰

日本續藏僅四十八卷

顯揚聖教論二十卷 西土無著菩薩造

揚刻

楞伽經唯識論一卷 西土天親菩薩造

唯識二十論一卷 即前論之重譯

甯刻

述記四卷 唐釋窺基撰

又

成唯識寶生論四卷 西土護法菩薩造

成唯識論述記六十卷 唐釋窺基撰

甯刻

樞要十六卷 又

日本續藏僅四卷另有料簡二卷

集解四十卷 明釋通潤撰

日本續藏僅十卷

因明正理門論本一卷 西土龍樹菩薩造  
唐釋玄奘譯

因明入正理論疏八卷 西土商羯羅主菩薩論  
唐釋窺基疏

甯刻

佛地經論七卷 西土親光等菩薩造

決定藏論三卷 即瑜伽師地論決擇分中五識身相應地意地之異譯

大乘法苑義林章十四卷 唐譯窺基撰

唯識開蒙二卷 元釋雲峰撰

性相通說一卷 明釋德清撰

相宗八要直解八卷 清釋智旭撰

共二十五部 四百四十一卷 內一部未計卷數

般若部大般若經卷帙過鉅祇可別行

摩訶般若波羅蜜經三十卷

大智度論一百卷 西土龍樹菩薩造 釋摩訶般若波羅蜜九十品

小品般若波羅蜜經十卷

勝天王般若波羅蜜經七卷

文殊師利所說般若波羅蜜經一卷

實相般若波羅蜜經十紙

日續藏

揚刻

甯刻

又

又

又

揚刻

又

又

甯刻

又

又

專件

十九

第八期

仁王護國般若波羅蜜經二卷

又

仁王般若念誦法五紙餘

金剛般若波羅蜜經疏一卷隋釋智顛撰

甯刻

金剛般若波羅蜜經贊述二卷唐釋窺基撰

日續藏

論疏纂要三卷唐釋宗密撰  
宋釋子瞻重治

纂要廣錄刊定記七卷宋釋石壁編  
子瞻刪定

註解一卷明釋宗泐如玘同撰甯刻

決疑一卷明釋德清撰又

宗通九卷明會鳳儀撰又

破空論一卷明釋智旭撰又

觀心釋一卷又

般若波羅蜜多心經幽贊二卷唐釋窺基撰日續藏

略疏九紙唐釋法藏撰甯刻

註解三紙明釋宗泐如玘同撰又

佛

學

叢

報

註一卷 明釋真可撰  
在紫柏全集內集 揚刻

直說十紙 明釋德清撰 甯刻

釋要五紙半 明釋智旭撰 又

共二十三部 一百七十九卷  
四十二紙

法華部

妙法蓮華經疏義記三十卷 梁釋法雲撰  
僅八卷注云即光宅疏 日續藏

玄贊四十卷 唐釋窺基撰  
僅十卷 日本續藏

合論二十卷 宋釋惠洪撰  
僅七卷 日本續藏

指掌疏五十卷 清釋通理撰 揚刻

法華經論貫一卷 清釋智旭撰 又

妙玄節要二卷 又

妙法蓮華經會義十六卷 又

天台玄義文句卷帙繁多今收妙玄節要以  
括玄義收會義以括文句使學者易於入門

法華安樂行義一卷 陳釋慧思撰 甯刻

專 件



專 件

法華譬節一卷 明釋德清撰

揚刻

觀音玄義二卷 隋釋智顛撰

觀音義疏二卷 又

無量義經一卷

甯刻

佛說觀普賢菩薩行法經一卷

又

金剛三昧經二卷

又

大薩遮尼乾子受記經十卷

揚刻

法華三昧懺儀一卷 隋釋智顛撰  
唐湛然行事蓮想補助儀附

共十六部 一百八十卷

涅槃部

大般涅槃經四十卷

甯刻

玄義二卷

又

疏三十四卷 隋釋灌頂撰  
唐釋湛然再治

日藏

疏三德指歸二十卷 宋釋智圓撰  
附後分釋

日本續藏云缺第十五卷

佛

大般涅槃經後分二卷

隋刻

大般涅槃經論九紙餘 西土婆藪槃豆菩薩造

集一切福德三昧經三卷

揚刻

菩薩處胎經五卷

佛遺教經補註一卷 宋釋守遂註明釋了童補

隋刻

解一卷 清釋智旭撰

又

四十二章經補註一卷 宋釋守遂註明釋了童補

又

解一卷 清釋智旭撰

又

八大人覺經解四紙餘 又

又

按佛遺教經闍維知津雖判入小乘龍藏錄記則載於涅槃部今從龍藏其四十二章經八大人覺經均以簡切之語該舉法要策厲真修義趣與遺教相近故亦附此

共十三部 一百十卷 十三紙

小乘經

佛本行集經六十卷

隋刻

法法念處經七十卷

專件



白衣金幢二婆門緣起經三卷

過去現在因果經四卷

中本起經二卷

大安般守意經二卷

禪秘要法經三卷

治禪病秘要經二卷

業報差別經一卷

阿難問事佛吉凶經五紙餘

佛說五王經四紙餘

佛說身觀經二紙欠

五苦章句經十二紙欠

興起行經二卷

佛說見正經五紙半

佛說因緣僧護經一卷

揚刻

常刻

甯刻

又

佛

學

叢

報

共十六部 一百五十卷  
二十八紙

密部

大佛頂首楞嚴經合論十卷 宋釋德洪造論 正受會合 日續藏

正脉疏四十卷明釋真鑑撰 常刻

玄義二卷清釋智旭撰 又

文句十卷又 又

大毗盧遮那成佛神變加持經疏二十卷唐釋一行撰

義釋十四卷又

以上二種俱見日本續藏其題名作大日經疏大日經義釋

大毗盧遮那成佛神變加持經供養次第法疏二卷唐釋不可思議撰 見日本續藏其經名亦題作大日經

蘇悉地羯羅經四卷

妙臂菩薩所問經二卷

蘇婆呼童子經三卷

准提陀羅尼經會釋三卷 清釋弘贊撰 附五悔儀及持誦法要 常刻

專 件

觀世音菩薩大悲心陀羅尼經一卷

隋刻

佛頂尊勝陀羅尼經一卷唐釋義淨譯

又

穢跡金剛說神通大滿陀羅尼法術靈要門經

又

穢跡金剛法禁百變法門經與上經同一卷

又

十一面神咒心經八紙餘唐釋玄奘譯

不空罽索神變真言經三十卷

金剛頂瑜伽念珠經一紙餘

持明藏瑜伽大教尊那菩薩大明成就儀軌經二卷

佛說一切如來真實攝大乘現證三昧大教王經十七卷

大乘瑜伽金剛性海曼殊室利千臂千鉢大教王經十卷

佛說最上根本大樂金剛不空三昧大教王經七卷

佛頂放無垢光明入普門觀察一切如來心陀羅尼經二卷

守護大千國土經三卷

隋刻

廣大寶樓閣善住秘密陀羅尼經二卷唐釋善提流志譯

大方等陀羅尼經四卷

梵天神策經一卷即大灌頂神咒經之第十

守護國界主陀羅尼經十卷

佛母大孔雀明王經三卷

甯刻

又

畫像壇場儀軌四紙餘

一切如來正法祕密篋印心陀羅尼經八紙

救拔饑口餓鬼陀羅尼經三紙餘

甘露經陀羅尼七行

瑜伽集要救阿難陀羅尼饑口儀軌經一卷

熾盛光大威德消災吉祥陀羅尼經一紙半

如意寶總持王經二紙餘

大乘莊嚴寶王經四卷

聖觀自在菩薩心真言瑜伽觀行儀軌五紙

受菩提心戒儀三紙

專件

瑜伽集要頤口施食儀一卷

瑜伽金剛頂經釋字母品二紙欠

金剛頂瑜伽中發阿耨多羅三藐三菩提心論六紙餘

請觀音經疏一卷隋釋智顛撰

揚刻

佛法

不空心要一卷

唐釋不空撰  
即金剛頂瑜伽略說三十七尊心要

日本續藏

無畏三藏禪要一卷

唐釋善無畏撰  
即無畏三藏受戒懺悔文及禪門要法

日續藏

悉曇字母表唐釋一行撰

悉曇字記一卷唐釋智廣撰

顯密圓通成佛心要集二卷遼釋道殿撰

甯刻

密咒圓因往生集一卷宋釋智廣慧真同撰

日藏

大藏祕要

修設瑜伽集要施食壇儀一卷明釋株宏撰

甯刻

施食壇儀補注一卷又

又

報

叢

學

佛

瑜伽談口一卷清釋一雨撰

又

雞園水陸道場通論九卷清鄭應房撰

揚刻

千手千眼大悲心咒行法

拾五紙餘 宋釋知禮集  
清釋讀體重纂

共五十六部

二百二十九卷  
五十八紙 內三部未計卷數

大乘律在家律要內所錄者不重出

梵網經菩薩戒疏十卷唐釋法藏撰

甯刻

梵網經菩薩心地品合註七卷清釋智旭撰

又

菩薩戒本經箋要一卷又

又

佛藏經四卷

菩薩瓔珞本業經二卷

揚刻

受十善戒經一卷

淨業障經一卷

大乘戒經一紙欠

菩薩善戒經十卷戒品別出一品併入

專 件



文殊師利問經二卷

清淨毗尼方廣經一卷

文殊師利淨律經一卷

菩薩地持經八卷

優婆塞戒經七卷

在家律要廣集三卷清釋智旭集釋儀潤陳顯增訂 蘇刻

共十五部 五十八卷 一紙

小乘律 道宣四分律行事鈔元照師資持記卷帙均甚繁重祇可別行

四分戒本一卷唐釋懷素撰

比丘尼戒本一卷又

沙彌十戒法並威儀一卷 揚刻

沙彌尼戒經四紙欠

毗尼日用錄一卷明釋性祇述 日續藏

毗尼日用切要一卷清釋讀體集 又

毗尼珍敬錄二卷明釋廣承等輯清智旭補

揚刻

共七部 七卷 四紙

大乘論

釋摩訶衍論十卷 西土馬鳴菩薩起信論 龍樹菩薩釋

甯刻

大乘起信論纂註二卷明釋真界撰

又

直解二卷明釋德清撰

又

裂網疏六卷清釋智旭撰

又

發菩提心論二卷西土天親菩薩造

揚刻

菩提資糧論五卷西土龍樹菩薩造比邱自在釋

常刻

三論玄義二卷唐釋吉藏撰

日續藏

中論疏二十卷西土龍樹菩薩偈青目菩薩釋唐釋吉藏疏 又

百論疏九卷西土提婆菩薩論婆數開士釋唐釋吉藏疏 又

十二門論疏六卷龍樹菩薩論唐釋吉藏疏

日續藏

十二門論宗致義記二卷唐釋法藏撰

甯刻

釋 件



廣百論本一卷 西土聖天菩薩造

廣百論釋論十卷 西土護法菩薩釋前論

佛性論四卷 天親菩薩造

大乘法界無差別論疏二卷 西土堅慧菩薩造 唐釋法藏疏 常刻

大宗地玄文本論略註四卷 馬鳴菩薩造 清楊文會註 又

大乘阿毗達磨集論七卷 西土無著菩薩造

雜集論十六卷 西土安慧菩薩造 常刻

辯中邊論三卷 彌勒菩薩頌 天親菩薩釋

究竟一乘寶性論五卷

大乘五蘊論七紙 西土世親菩薩造

大乘莊嚴經論十三卷 無著菩薩造

攝大乘論釋十卷 無著菩薩論 世親菩薩釋 唐釋玄奘譯

按世親釋論尚有二譯一凡十五卷一亦十卷又有無性菩薩釋十卷亦奘師所譯二譯四譯共四十五卷今遵開藏知津取世親釋第一譯若龍藏記作四十八卷當係併合之本故多其洵殊也

共二十三部 一百四十一卷 七紙

小乘論

阿毗達磨發智論二十卷西土迦多衍尼子尊者造

阿毗達磨俱舍論三十卷西土世親菩薩造 常刻

成實論二十卷西土訶梨跋摩造

異部宗輪論述記西土世友菩薩論唐釋窺基述記 日續藏

共四部 七十一卷

西土撰集

出曜經二十卷尊者法救造 揚刻

大乘修行菩薩行門諸經要集三卷 又

佛所行讚經五卷馬鳴菩薩造

賢愚因緣經十三卷 揚刻

雜寶藏經八卷

撰集百緣經十卷

坐禪三昧法門經二卷僧迦羅利造 常刻

專 件

禪法要解經二卷

達磨多羅禪經二卷

思惟要略法八紙半

大阿羅漢難提密多羅所說法住記六紙半

那先比丘經三卷

四阿含暮抄解二卷阿羅漢婆素跋陀造

撰集三藏及雜藏傳七紙餘

賓頭盧突羅闍爲優陀延王說法經七紙欠

龍樹菩薩爲禪陀迦王說法要偈七紙半

共十六部 七十卷  
三十五紙

禪宗

肇論略註六卷姚秦僧肇論明釋德清註

寶藏論一卷僧肇撰

六祖大師法寶壇經一卷 唐釋惠能說  
宗寶編

書類

又

又

佛

永嘉集註四卷唐釋玄覺撰明釋傳燈註

揚刻

證道歌註一卷玄覺撰元釋永盛註

又

黃蘗山斷際禪師傳心法要一卷附宛陵錄唐釋希運語錄叢休集

甯刻

禪源諸詮集都序四卷唐釋宗密撰

又

大珠語錄二卷唐釋慧海說

常刻

宗鏡錄一百卷宋釋延壽撰

揚刻

萬善同歸集六卷又

甯刻

唯心訣一卷附定慧相資歌警世偈又

又

心賦注四卷又

又

碧巖集十卷宋釋克勤撰

杭刻

智證傳十卷宋釋惠洪撰

甯刻

禪林僧寶傳三十卷又

又

林間錄二卷又

揚刻

羅湖野錄二卷宋釋曉堂撰

報

叢

學

專 件

三十五

第八期

傳法正宗記九卷宋釋契嵩撰

傳法正宗論一卷又

禪宗決疑集一卷元釋智徹撰

真心直說一卷元釋知訥撰

高峰妙禪師語錄一卷元釋原妙說

天目中峰和尚廣錄三十卷元釋明本說  
慈寂編

修心訣一卷元高麗釋普照撰

禪關策進一卷明釋株宏集

洞上古轍二卷明釋元賢撰

永覺寢言二卷又

南宋元明禪林僧寶傳十五卷清釋自融撰性森補 日續藏

讀四十偈私記清汪縉

措黑豆集八卷清平聖臺

共三十部 二百五十七卷 內一部未計卷數

天台宗

大乘止觀釋要六卷 陳釋慧思撰  
清釋智旭註

揚刻

摩訶止觀二十卷 隋釋智顛撰

小止觀二卷 又

實刻

六妙法門一卷 又 用日本本

又

釋禪波蜜次第法門十卷 又

揚刻

釋摩訶般若波羅蜜經覺意三昧一卷 又

湘刻

法界次第初門三卷 又

四念處四卷 又

實刻

觀心論疏五卷 智顛論門人灌頂疏

金剛鉾一卷 唐釋湛然撰

十不二門九紙 又

天台傳佛心印記八紙 元釋懷則撰

天台四教儀集註十卷 元釋蒙潤撰

揚刻

專 件



教觀綱宗二卷清釋智旭撰

隋刻

共十四部 六十五卷  
十七紙

傳記

釋迦譜十卷南齊僧祐撰

隋刻

釋迦方志二卷唐釋道宣撰

高僧傳初集十六卷梁釋慧皎撰

隋刻

二集四十卷 唐釋道宣撰  
即續高僧傳

揚刻

三集二十卷 宋釋贊寧等撰  
即有宋高僧傳

又

四集六卷 明釋如惺撰  
即明高僧傳

又

神僧傳九卷

常刻

比丘尼傳四卷梁釋寶唱撰

隋刻

居士傳五十六卷清彭際清撰

揚刻

善女人傳二卷清彭際清撰

隋刻

大唐西域記十卷唐釋玄奘譯辯機撰

常刻

共十一部 一百八十五卷

纂集

慈悲道場懺法十卷梁釋寶誌寶唱等撰

隋刻

慈悲水懺法三卷唐釋知玄撰

又

法苑珠林一百卷唐釋道世撰

隋刻

翻譯名義集二十卷宋釋法雲撰

隋刻

大明三藏法數四十卷明釋一如撰

重訂教乘法數十二卷清釋超海等撰

常刻

大明釋教彙門標目四卷明釋寂曉撰

日續藏

大明釋教彙目義門四十一卷又

又

閱藏知津四十八卷清釋智旭撰

隋刻

共九部 二百七十八卷

宏護

宏明集十四卷梁僧祐撰

隋刻

專 傳

廣宏明集四十卷唐釋道宣撰

常刻

集古今佛道論衡實錄五卷又

續集古今佛道論衡一卷唐釋智昇撰

集神州塔寺三寶感通錄四卷唐釋道宣撰

辯正錄十卷唐釋法琳撰

十門辯惑論二卷唐釋復禮撰

護法論一卷宋張商英撰

常刻

輔教編三卷宋釋契嵩撰

折疑論五卷比丘子成著西域師子比丘述註

三教平心論二卷元劉澹撰

續原教論二卷明沈士榮撰

常刻

一乘決疑論一卷清彭際清撰

又

共十三部 九十卷

旁通

觀老莊影響論一卷明釋德清撰

甯刻

道德經解二卷又

又

莊子內篇註四卷又

又

中庸直指一卷又

又

大學綱目決疑一卷又

春秋左氏心法 又

四書小參一卷附問答一卷 明朱斯行撰

甯刻

周易禪解 清釋智旭撰

四書注

讀易老私記 清汪楷撰

共十部 十一卷 內四部未計卷數

導俗

選佛譜六卷清釋智旭撰

甯刻

陰騭文廣義節錄三卷清周夢顏撰

揚刻

專 件


專 件


萬善先資四卷又

欲海回狂三卷又

共四部 十六卷

又 又





專件 二

## 擬上佛教總會向政府請願布教蒙藏意見書 (宗仰)

聞之因利而利。爲至順之機。求仁得仁。有自然之理。故山雲水澤。感而遂通。震雷飄風。響無不應。則有如蒙古藏衛諸境。夙奉我釋迦宗教。世傳爲大寶法王。其俗尙有渾噩之稱。其族制以僧侶爲貴。徒以年代久遠。聲教式微。正覺無聞。外魔相擾。又時勢之大異。多扞格而不明。猶惑於迷信歧途。遑論乎共和真理。蔽今囿古。職此之由。然三千餘年之佛日長輝。二十世紀之宗風彌暢。彼所謂王公翼長。達賴班禪。悉爲護法伽藍。本稱大善自在。(順治初年會封達賴喇嘛等爲大善自在佛)自具慧識。足應時趨。惟其下者。性情之不同。以風土限之。聞見之不洽。以習慣成之。因而偏執其行爲。影響於政治。爲佛光障礙。與國體僭馳。若各就最高之機關。要求互用其提倡。則平等博愛。本是同源。時節因緣。正堪演進。使知民國建立。已合五族爲一家。且孔耶並行。似揭三光於萬古。入新世界。轉大法輪。庶感應之相孚。何猜疑之不泯。豈有生公說法。不能使頑石點頭。菩薩慈悲。必欲爲金剛努目。如今日蒙藏問題。尙勞以武裝解決哉。昨據佛教總會副會長清海由奉天來函。稱已在瀋陽之間。請章嘉入會。呈明政府。組合施行。各團體無不贊

成。大多數皆知傾向。是能以皈依之普及。爲犄犄之聲援。確有見端。非無效力。而且交通部已成立。言論界已發行。並由彼部落中之盟長齊貝勒及喇嘛札薩克等。先後遣派代表。接議擴張。此無他。政教之入人也難。而宗教之化人也易。禍福之消息。非威勢可乘。而仁愛之本懷。爲良知所具也。清海誓以捨身救世之堅。不辭行腳打包之苦。振錫傳鉢。趨者翕然。稽首十方。當無不聞而起敬矣。乃同時得皖廬報告。謂有大小庵寺三十餘處。受害於地方。產業則強攫充公。僧尼皆驅逼還俗。蹂躪不已。毆辱繼之。侵自由信教之權。違保護公民之義。悍無法律。實駭聽聞。一方面正欲以佛力宏深。溝通意見。一方面豈可任邪魔橫恣。妨碍進行。公理何存。貽玷滋甚。不揣禱昧。擬乞諸大善知識。及此提議。贊彼遠圖。選舉卓行高僧。上書請願政府。俾得以三乘精義。六祖真源。闡法門不二之微。按世界大同之勢。灌知識於蒙古五十一族。輸文明於藏衛六十餘城。國風所被。慧命同昭。將以奠劫運之垂危。挽人心之道德。內屏歸附。外患消融。斯乃鞏固我中華。實造無量幸福。至於申明約法。保障人權。不得歧視緇流。禍遺黑闇。則亦當聯合請命者也。區區鄙忱。倘以爲芻蕘可採。民國幸甚。佛界幸甚。無任迫切仰望之至。





詞林

悲雙鷺 (并序)

(平子)

癸丑夏日。以事過澱湖之濱。見雙鷺泛泛碧波中。意態閑適。忽鄰舟有人。擊以獵鎗。雙鷺均中彈。宛轉蘆葦間。一鷺幸所中非要害。飛槍久之。遂得逸去。一鷺為獵者捕獲。登刀俎供晚餐矣。余見哀之。得詩三章以紀其事。

湖間雙野鷺。游泳頗自得。飛鳴洲渚間。與世何爭執。忽遇獵人來。鳴機一聲發。雙鷺悉中彈。撲撲驚魂出。其一傷微輕。奮翅飛以逸。其一宛轉鳴。充彼俎中物。可憐伉儷情。中道緣何折。性命呼吸間。口腹片時適。死者且勿論。生者哀何極。今夜宿何方。

詞林

月明照嗚咽。

爾亦戀生命。聞死心憔悴。爾亦懼殺戮。見刀失魂魄。爾亦知痛楚。受傷涕淚出。爾亦愛身軀。豈願人烹割。爾亦有妻孥。忍見孤幃泣。哀哀人世間。凶殘無可比。縱已口腹欲。噉彼骨與髓。試向庖間游。慘惻甚西市。衆生有哀聲。其聲激天地。奈爾不能聞。聞當心膽碎。人生百年間。傷生寧萬幾。但任爾殺物。母乃非天理。弱肉強者食。同類且如此。殺業不先除。兵禍胡能已。

悲雙鷺和平子

(龍伯)

我觀五侯廚。慘類等活獄。案頭罷刀砧。地上支鼎鑊。飛潛與蠕動。牽來就燒剝。物作有情想。我比羅剎惡。道旁有死人。辟之恐不遠。釜中有死肉。甘之愁不腴。取彼腐敗餘。養我血肉軀。敗者還自敗。養



者何所虛盤殮。置三日蛆虫互攢集。將我比蛆虫。止爭先後食。古來有名言。謂是肉食鄙。橫生養。縱生甯復自然理。未曾斷肉味。先當斷肉性。但有分別心。安得那伽定。

愛重入娑婆。何況爲羽族。芸芸痴衆生。隨業苦相續。有合斯有離。有雙斯有獨。聚亦安足歡。散亦安足哭。但看出入機。人羊互轉轂。一體情無情。浩然煙水綠。

蓮華終當開。相招安養遊。眼前生滅法。此中有我不靈禽。號迦陵。共命無他求。法音在何處。冷冷雙歌喉。稻粱不足慕。繒繳不足憂。始信阿彌陀。別具方便舟。誓渡諸苦倫。普超生死流。法門如剝繭。一絲何用留。者個到家信。物我同悠悠。

悲雙鷺和詩 (并序)

大著悲雙鷺詩。藹然仁者之言。廓乎我佛之量。不揣固陋。率和數章。大雅君子。幸辱教之。主臣

(無相)

昔讀蓮池歌。放生矢冥願。今讀雙鷺詞。令我淚含。燕世運日夕。新嗜慾縱愈。便江城習。豪奢餐館。四郊遍鷄鴨。牛羊猪宰割。日逾萬。往往五更鐘。悲聲徹城闌。淋漓灑毛血。清氣爲凋換。腥聞達九閣。疫癘突如箭。不仁召殺機。循環理無變。作歌以告哀。慈心吐一線。我聞齊魯間。善擊生牛筋。穴壁繫其足。砉然搗斧斤。哀號震衢路。慘狀難具論。鳥飛不知顧。獸奔亡其羣。又聞南方人。熟食匪所欣。或燻一片豚。或截數寸粉。悲鳴猶未已。五味傾瓶盆。同是血肉軀。詎無知覺存。殺之已云忍。酷法何紛紛。閉目一沉思。血府凝不溫。

緬念古身毒。佛法殊無窮。混茲根塵識。馴及獅象  
 龍。慈悲戒殺生。四生樂融融。人物兩無害。瑞氣彌  
 卑穹。何圖幾千年。異說浸以充。亦復效歐風。刀俎  
 陳。腥濃却苦蛇。虎繁白骨邱。山崇精堅繕。利器殺  
 孽滋。相從乃嘆我佛力。甚深微妙中。屠刀試放下。  
 卽此証圓通。

或云。一滴水。微生物。無量。飲水亦殺生。何者。足供  
 養。禽。識。理。平。易。無。事。說。洗。瀆。君。子。遠。庖。廚。茲。理。貴  
 旁。暢。饗。養。儆。古。凶。淡。泊。景。賢。相。素。酒。亦。酣。適。淨。饌  
 倍。忻。向。蘊。釀。菩。提。心。盜。然。無。所。障。仁。風。翔。太。和。至  
 味。泆。中。臆。餘。事。在。衛。生。神。氣。轉。增。王。卽。此。近。禪。宗。  
 便欲證無上。

悲雙鷺和詩 (並序)

(試草蓼花館主沈紹李)

詞 林

晦迹荒城。白雲誰侶。悠悠長夏。心與時磨。偶於  
 報端。獲我平子悲雙鷺之作。慨然仁者之音。吐  
 納天煦。莫敢追溯。迺哦誦與感。藉和達懷。所謂  
 見南威之容。仍不自憎其貌者也。拾紙錄藁。還  
 貽郢工鑒焉。

化物器蝴蝶。悲欣府臯壤。天心引人類。善從聖胎。  
 養人欲蔽天理。惡與秋蕪長。森然種殺因。悲哉失  
 良爽。物我不可化。勾芒恢劫網。我讀平子詩。我心  
 悄且往。

平子詩何屬。悲思寄雙鷺。雙鷺生野湖。滄波滿佳  
 趣。好夢逐鴛鴦。歡情孕風露。宛若婦與夫。相隨不  
 相妬。又似處家庭。骨肉相調護。豈知極樂中。往往  
 禍媒布。霹靂動危機。驚魂墮哀霧。

一鷺由彈斃。輾轉淒以切。碧血凝遺恨。哀鳴贈死

三

第八期

別一鷺。負傷飛。心曳愁雲裂。回首觀。同儔聲銷不。敢說慘莫大。于死况復人道滅。物力惜。有限人慾。嗟無節。試顧孽臺前。鏡影孽花結。

有人話。因果厲風虛。衆駁惡果無。好因殺於愛中。造愛之得始。甘甘乃殺所。召劫影演。戰劇塵淚斜。陽弔禍亂苟。相循事胡堪。逆料仁旨鼓。世風幽輪轉。寒峭屠刀擲。成佛拈花覘。微笑詩力會。佛心空明時。一照。

悲雙鷺

(鷓仙女史魏崇俠未是草)

庖丁鼓刀易牙調。醢醢薑鹽食物謀。自來老饕窮異味。珍禽肌脯滑於油。古今美味莫如鷺。飛向落霞作僑寓。雙雙鼓翼欲何之。貪戀雞食弋人慕。蘆荻江頭鷺正肥。翩躚得意倏忘機。到處山山紅獵火。不疑刻鵠故飛飛。無端蕭瑟燕巢危。鷺乎鷺乎

知不知。放浪形骸尋樂日。秋風淑浦斷腸時。知幾休。向塵網觸高欲。凌雲莫躑躅。躑躅恐投四面罟。遠禍倏然早。避矰莫與鷹鷂共。馳逐須近鷓鷯好。飛騰羶穢祇識逍遙樂。人間禍福難忖度。休比鴻毛遇順風。也解巨魚縱大壑。鳥誠智者燭幾先。試學鳶飛且戾天。倦飛孰知罽羅設。由基神矢誠詭譎。兩三星火動地來。恐彼雌雄成永訣。棘地荆天處處多。丸弄宜僚喚奈何。鷺欲搔首作天問。電掣霆奔驍雄奮。風塵滿眼起烽煙。巢林空羨鷓鷯分。可憐性命等閒拋。離羣遽入六丁庖。敢恨酷刑饒太守。粉身碎骨付烹炮。味甘既作郇廚膳。捐軀端由毒熾煽。聞聲食肉忍人心。傷心只供娛賓宴。網開三面頌湯仁。弋不射宿尼山春。韓彭蒞醢千秋恨。物猶如此而况人。上帝本有好生德。可恨世人

血食。類於鷲者種何多。天下殺機開不得。殺機一  
 開。起。黨。爭。弱。肉。強。食。神。州。驚。燕。雀。在。堂。操。戈。入。甗。  
 豆。燃。箕。釜。中。泣。白。馬。清。流。弔。李。唐。漢。家。黨。錮。更。神。  
 傷。顏。舌。嚴。頭。稽。紹。血。猿。鳥。沙。蟲。古。戰。場。人。生。自。古  
 皆有死。觸目驚心乃如此。飛潛動植樂天機。都在  
 乾坤覆載裏。齊王不忍殺。棘牛。簡子亦釋邯鄲鳩。  
 潘筆作詞鷓鴣放。仁言利溥柳柳州。苦口婆心推  
 平子。皈依淨界參大士。種得菩提善果因。克復為  
 仁原由已。莊生蝴蝶曾入夢。蓮葉如來相迎送。為  
 感慈祥愷悌心。愛物仁民能合衆。恍坐慈航登彼  
 岸。鸞鳳和鳴在枕畔。太真鸚鵡誦心經。懺得先生  
 添鶴算。一塵不染五蘊空。遨遊極樂世界中。蓮池  
 十里香風煖。庭前舞鶴無人管。珍禽振羽競來儀。  
 八功德水佛鉢滿。忽來宣勅謁世尊。懺除口孽作

詞 林

真言。參禪可號無雙士。證道宏開不二門。贊君能  
 葆本根佳。結歡喜緣四大皆。灑盡楊枝甘露水。明  
 心對鏡淨於措。倏有雙禽仙袂舉。飛向瑤階作歌  
 舞。疑是王喬化鳥息。無限淒情愁帶雨。含情欲訴  
 涅槃前。環乞楞嚴妙幹旋。免罹世間刀俎苦。慈雲  
 常蔭任高鶩。佛曰膾炙人之口。前者來因今者受。  
 度爾衆生勸世人。茹素只剪周顛韭。平子在旁勤  
 宣佛。佛曰嘉爾能愛物。諭爾速作哀鶩吟。喚醒世  
 間殺生勿。臨別贈言重低徊。平子對曰戒之哉。謹  
 遵吾佛殷勤訓。廣救微禽鼎鑊災。雙鶩聞之合十  
 拜。宣來梵夾謝滋培。平子乍醒羅浮夢。揮毫特賦  
 雙鶩哀。

悲雙鶩和平子

(斐君)

翩翩湖上鳥。相將水中宅。飲啄無過求。飛鳴何自

五

第八期

適。朝從烟渚嬉。暮傍沙洲息。悠然足容與。頗似忘  
機客。請知狙慕者。挾彈逞一擊。羽毛既摧傷。微軀  
恣弋獲。其一驚痛餘。搶呼猶奮翼。其一瘡較深。哀  
鳴增慘慼。生離與死別。物情應不隔。嗟爾凶殘人。  
所嗜在甘食。日夕廚煙起。煩冤刀俎集。華堂燭既  
燼。蒼天爲雨泣。我聞上古世。人禽界未明。穴室而  
巢居。共此生活程。強弱互芸植。靈蠢未判形。手足  
與爪牙。戢戢爭死生。斯時物禍亟。人道亦可矜。相  
殘覆幃中。慘然氣不蒸。其後水土奠。民智乃漸呈。  
畋漁與畜牧。巧殺日益精。惟彼豺虎威。竄伏深山  
深。亦有犬牛性。馴擾爲牲禽。試論傷夷率。百一豈  
足衡。此實人所造。匪由交構成。泊乎艱食期。居民  
耕稼興。地力旣可任。生事常充盈。工商再復進。碩  
大駸無朋。赫赫天驕子。睥睨誰與京。獨此相滅性。

永續不變更。經歷千萬禩。無道格頑冥。誰言取精  
多。用力乃愈安。惡業不剷除。何以覩升平。  
大鈞調淑氣。萬卉妙含芳。飛潛與蠕動。滋保相嬉  
翔。以彼平等觀。允作世界王。下及微塵衆。賦性靡  
不臧。何意黃金土。變爲修羅場。所吸苦痛血。有心  
定不祥。所食殘破齧。有身定不康。所殺不辜物。竊  
惜法律防。所縱無厭求。甯恤禮義坊。至哀惟心死。  
奇禍是無良。戈矛及同類。輾轉亦自戕。國競與社  
爭。紛紜態若狂。豈知在宥懷。盡然悲以傷。  
慎哉天演言。弱肉強所噬。謂此警辱。愚庶幾奮袂。  
起進化。不可期。談言成禍水。豪暴愈恣睢。宰割爲  
公例。哀哀無告情。觸聽類如是。物種或過庶。天行  
誠足畏。何不勉扶掖。同登仁壽世。生品有衆殊。感  
通日暮事。何不合大羣。覆載皆昆弟。質分有變合。

原具不滅。理何不示。善緣俾返。清淨體力。率趨至平。施受無偏。倚何不指。善方俾循。康莊軌殺。機不可長。河決金堤。潰妙論甚宏。深假之為利器。洪悲我佛誓。大同宣聖懷。志士與仁人。功業希未來。感茲微禽難。作歌寫心哀。

悲雙鷺三首奉和平子居士（澹菴）

萬物游化機。生生誰知故。飛潛事飲啄。欣戚詎殊趣。於人既無害。點綴江山助。范形偶異製。登俎實大誤。不祥演殺機。智力誠可怖。萬物日游。穀誰能保。其素仁人有深悲。悼彼雙飛鷺。澱湖波浪闊。僚丸復誰喻。一充釜中羹。一逝投何處。機心予久忘。愴惻哀世路。

含生皆有覺。人物何區別。懷安知競趨。蹈危各奔逸。勿云戕異類。同類亦齟齬。掃除一念忍。觀化戒

詞 林

饕餮。孔曰各盡性。佛曰不生滅。

快意為禍始。萬物無安宅。予意若有營。淡食亦自得。仲尼忘肉味。精神究何擇。一飯不宿飽。飢者易為食。富貴飫八珍。腸胃成宿疾。願易此習俗。蔬筍謙佳客。創始誠勉強。久自適其適。不觀伍秩庸。年衰顏轉澤。（近見時報載伍君蔬食頻年兼斷煙酒容貌精神儼如壯歲人）予言信有徵。至味誰能識。

悲雙鷺九首奉和平子（南蘭陵清陽遂叟）

上帝最好生。世人何嗜殺。血肉日以供。朶頤不能遏。但快爾老饕。坐視物不活。或以刃刺心。或以刀斫骨。斷足又切頭。剝皮更劈殼。肢解體全碎。鱗批毛盡拔。呼痛人不聞。一死無得脫。蠶子有佛性。形異性實同。物物皆懼死。忍心下鋼

七

第八期

鋒。宛轉血砧上。潑刺油釜中。炙之用酒醋。炮之加薑蔥。慘苦不可說。評味樂未終。一餐百十命。殺業安可窮。

雙鷺游碧波。倡隨甚自得。忽爾飛彈來。無辜並遭厄。一傷而能飛。一死即被獲。飛者雖得生。不復再比翼。孤鳴清夜間。幸免爲人食。

人爲虎狼食。人必殺虎狼。爾食鳥獸肉。鳥獸恨豈忘。命債互報復。佛言理自當。輪迴作人畜。彼此易形償。父母或食子。子或食爺娘。殺人之父兄。父兄被人戕。聞聲不忍食。孟子何慈祥。哀哉此惡世。不殊大殺場。

或云梁武愚。以麪爲犧牲。臺城反餓死。人皆爲不平。豈知衍殺猴。猴死侯景生。衍死保首領。戒殺報乃輕。放生獲大福。古事均至明。當體天地德。當發

慈悲誠。當念忠恕道。當懼果報并。我佛虛空體。愛物有至情。福德亦不受。救苦無能名。一物未曾殺。何況雙命傾。

物我如一身。悲痛與人等。人知畏刀槍。物豈甘鑊鼎。爾我可憐蟲。生死殊俄頃。殺孽日日增。殺劫安可拯。閻羅更震怒。治罪更剛猛。較彼鷺之死。烹割苦尤永。一鷺已糜爛。對鏡宜自警。放刀可成佛。愚者胡不醒。此言非虛誕。善惡貴早省。

肥甘入寸喉。須臾成惡臭。又爲腐腸膏。或如脯曾漏。大烹飽片時。貪殘神不佑。殺牛孽至深。食犬惡難宥。他物命細微。不殺自無咎。蔬食可衛生。氣清致長壽。孔聖亦云齋。食肉誠鄙陋。打鴨就死地。何如任其斃。

鸚鵡誦佛經。蚌蛤懷佛像。舍利護蛤身。菩薩解魚

網。心仁自愛物。吾儒貴效放。酬珠蛇有知。銜環雀  
亦仰。作炊螺若仁。報喜鵲不爽。投地蝨大呼。能言  
鴨可養。物性更通靈。幽人每欣賞。何必登庖厨。使  
佛供燕享。無故不可殺。戒殺宜推廣。

今世殺害器。銳利奇難擬。圓亦如鵝卵。大不及雞  
子。碎如雷。霆驚迷漫。烟霧起炸巨。一羣空。轟輕數  
頭死。我為雙鷺。悲我借雙鷺。比於人有同然。與物  
亦等耳。仁至義盡者。行步顧蟲豸。如彼覆載心。太  
和無不被。大生又廣生。鳥獸咸若矣。猶厭世俗惡。  
乘蓮禮大士。

悲雙鷺

(山陰何東初未是草)

萬籟蕭蕭映秋月。月光清淡照離別。下有孤鷺引  
頸鳴。鳴不成聲轉。嗚咽秋風送。聲入雲堆。我佛為  
之久低眉。嗟彼衆生無嗜欲。而獨不為生靈悲。衆

生疇不嗟獨活。鷺也雙雙今辟易。衆生疇不畏殺  
傷。鷺也翩翩今失色。死者長別離。生者腸斷絕。迴  
顧雙飛處。一一如昨昔。舊時非今時。舊物非今物。  
舊時天地寬。今時天地窄。舊物何長榮。今物何蕭  
瑟。曇花一剎那。光明頓泯滅。吁嗟一彈丸。已竭造  
化力。蠟炬高燒張綺筵。一席爭輸十萬錢。誰知搢  
戰笙歌處。多少生靈魂魄捐。神州紛紛持蠻觸。強  
者意氣相旁薄。吾生無那同雙鷺。不哭雙鷺轉自  
哭。夜闌忍泪讀岐亭。長嘯一聲秋月白。

悲雙鷺和平子韻即倣其體 (霜杰)

人天有因果。瓜豆各自得。乾坤有殺機。關捩不可  
執。前人箭在弦。快意偶一發。後人挾彈丸。毒手乃  
百出。嗟彼雙鷺鳥。得魚昔何逸。一朝入彀中。身亦  
朶頤物。落霞或孤飛。比翼慘中折。匪伊鸞翮高。豈



若鴻漸滴。紛紛鶴與鳧。鋒鏑不可極。獨憐漏舟中。  
暗潮巨淒咽。

爾若惜文采。斷尾復何怯。爾若筮肥遞。雲水定其  
魄。爾若羞羣飛。一斥不復出。爾若同迦陵。根塵早  
已割。爾若寬潛鱗。安見釜中泣。

我非獨悲鷺。如鷺例可比。衆生各怨毒。深者刻肌  
髓。孰樊鳥雀籠。孰棄牛羊市。能不聲澈天。而以頭  
搶地。乃知人道殘。遂使刼塵碎。平生蔬筍厨。縱欲  
本無幾。微聞殺聲來。惻怛入心理。如何漁獵人。不  
疲久樂此。寄語山澤空。網羅行可已。

悲雙鷺有序 (江東擊枵生君度氏)

予常通想萬物無不各愛其生。乃獨人爲貴種。  
相殺者有常刑。他物則一聽命於人。夫虎豹噬  
人。殺之可也。羊豕之屬。無罪就死。君子已憫之。

況魚鳥於世何爭。牛馬爲人致力。乃以口腹故。  
亦不免於割烹之慘。豈非世間不平事哉。今文  
明人種。徒以殄滅野蠻人種。爲物競天擇。公理  
之當然。視其呼號慘痛。一若無動於中。嗚呼。此  
與人之處鳥獸者。有何難焉。以爲是。則充類至  
盡。即文明人中。亦有智愚強弱貴賤之不同。如  
劣者悉爲優者犧牲。尙何公理道德法律之可  
言。以爲非。則文明人與野蠻人。旣不當如是。人  
於禽獸。何以即當如是。懷疑問久矣。昨見狄平  
子以悲雙鷺詩三章。登報徵和。語語悽絕。槩觸  
予懷。賦此答之。並識緣起。

衆生平等佛諦真。人獨貴者惟其仁。弱肉強食所  
不許。胡於人外任紛紜。虎豹傷人人致討。驅之滅  
之有其道。羊豕無罪供犧牲。仁者已自傷懷抱。牛

馬於人爲有功。魚鳥於人何所擾。爲貪口腹一時  
娛。忍令生命都如草。君不見雙鷺游泳河之洳。飛  
彈一到死生殊。死者頃刻就鼎鑊。生者哀鳴形影  
孤。人貴而鳥賤。人智而鳥愚。天賦性質有高下。血  
肉生命何所區。弱肉強食所不許。衆生平等何言  
歟。又不見世有白色人。自命文明族。芟夷異種如  
犬羊。謂乃公理天所屬。人猶相逞強權強。況以處  
鳥庸何傷。物競天擇乃如此。仁道一壞無隄防。吁  
嗟乎。惜鳥不能通人語。莫訴心中酸與楚。安得佛  
法放光明。一照世界不平苦。

訪寄禪不遇留贈

(觚齋)


我。到。深。山。公。入。世。人。天。哀。感。未。分。明。中。年。萬。事。不。  
掛。眼。靜。夜。一。燈。微。有。情。碧。海。沈。沈。那。解。怨。秋。虫。唧。  
唧。徒。聞。聲。玲。巖。星。暗。諸。天。寂。待。汝。歸。來。看。月。生。

人。世。至。今。無。可。說。相。違。端。合。話。來。生。交。空。四。海。公。  
垂。老。愁。入。深。山。雨。易。成。料。得。歸。來。應。有。淚。不。因。禪。  
定。便。無。情。莊。嚴。法。界。今。能。到。容。我。蹉。跎。聽。梵。聲。



兵難不離

元。印。簡。山。西。寧。遠。人。八。歲。禮。中。觀。詔。公。爲。師。十。八。  
元。兵。下。寧。遠。四。裝。逃。難。簡。侍。中。觀。如。故。觀。曰。吾。追。  
桑。榆。汝。方。富。有。春。秋。何。當。玉。石。俱。焚。宜。自。逃。遁。簡。  
泣。曰。因。果。無。差。死。生。有。命。安。可。離。師。苟。免。乎。明。日。  
城。降。元。帥。史。公。天。澤。問。曰。汝。何。人。對。曰。沙。門。食。肉。  
否。對。曰。何。肉。史。曰。人。肉。對。曰。虎。豹。尙。不。相。食。况。人。  
乎。史。喜。而。釋。之。



## 頻伽漫筆

(續)

(迦陵)

壇中間答曰。問天台言善惡皆性具。此義不然。謂性非善惡。不碍善惡可耳。若性實具善。便不容惡。性實具惡。便不容善。如佛頂經。滿慈以水火不相陵滅爲難。如來亦但釋云。虛空體非羣相。不拒諸相發揮。妙覺明心。先非水火。何不相容。細玩體非羣相。先非水火二語。性非善惡明矣。夫七大一往。皆無記法。尙須棄相。方得會性。况善惡有記之法。可云同具耶。答若謂性非善惡。不碍善惡。則善惡從何處來。混擾於性。既顯性後。善惡復歸何處。且正現善惡時。非善惡之性。避至何處。爲復斷滅。善惡去時。非善惡之性。又從何來。爲復更生耶。若謂善惡無性。隨妄緣有。既無其性。誰隨緣者。既隨緣。必有能隨所隨。所隨即迷悟染淨。能隨豈非性。善性惡。又卽彼所隨迷悟染淨之緣。爲在性外。在性內。若在性外。性不徧常。若不離性。那云非具。詎知無性之性。正善惡實性。設性中不具善惡。縱遇迷悟染淨等緣。決不能現修中善惡。如沙無油性。縱遇壓緣。終不出油。請卽就喻以申明之。使空非卽羣相。相豈從空外來。空現時。相豈出空外去。且

正現相時。空避至何方。爲復斷滅。相去後。空又從何來。爲復更生耶。當知虛空無去無來無滅無生。則知羣相之中。空性不動。可例知現善現惡之時。藏性不變。既知正隨緣而卽不變。又可例知正不變而卽隨緣矣。故達不變隨緣之義。則未起修善修惡時。非無善惡之性。如水火諸相未現。非無水火之性。以性空眞水性空眞火故。達隨緣不變之義。則熾然造善惡時。亦無善惡實法。如水火正現。非異虛空之性。以性水眞空性火眞空故。迷於相。全性卽相。妄見傾奪。故云觀相元妄。謂但觀性家之相。相妄性亦妄也。悟其性。全相卽性。隨拈一相。皆俱卽俱。非離卽離。非是卽非卽。故云觀性元眞。謂能觀相家之性。性眞相亦眞也。然則虛空非羣相。羣相亦非羣相矣。空不礙諸相發揮。羣相亦不礙諸相發揮矣。所以得有俱現之義。又心先非水火。水火亦先非水火矣。先非先後之先。只是元本之義。故不惟未現水火時。水性卽火性。火性卽水性。決定不相陵滅。雖正現水火時。水元無水。火元無火。亦決不相陵滅。所以有入水不濡。入火不焚。身上出水。身下出火。入地如空。處空如地等事也。彼妄見生尅傾奪。但隨心應量。循業發現而已。故知相外無性。棄相卽棄性。性外無相。會性卽會相。若棄相方得會性。此大不然。夫棄色相是空相。棄空相是色相。棄有情心相。是無情色空相。棄去情相。是有情相。棄無分別之根塵相。是有分別識相。棄分別相。是無分別相。棄根塵識妄相。是覺明眞相。棄眞相。是妄相。畢竟何相可棄。何性可會。耶。經云。棄生滅。守眞常者。直棄其於眞常中。妄見生滅之情。守其卽生滅處。了悟眞常之智耳。試玩七大文中。先以空融地水火

風。次以覺融空等五大。次以精融根塵六大。次以知融識等七大。則色空不二。依正不二。見相自證不二。眞妄不二。明矣。是以不變之性。正由全具善惡。故能舉體隨緣。而善惡二修。正由全攬眞性。故復舉體不變。不變舉體隨緣。故稱理具三千。隨緣舉體不變。故稱事造三千。又理具只是具於事造。事造只是造於理具。故雖稱兩重。亦非六千。雖云兩重。即重重無盡也。

又問。天台明理具事造兩重三千。同於介爾心中具足。此亦不然。夫理具渾然頓足。猶之可也。事造則一念起時。必落一界。既落一界。餘九皆伏。縱一界還具十界。亦只一界之十界。非十界之十界也。幽谿云。一界現時。九界冥伏。既云冥伏。則事造三千。不居一念明矣。今梵網玄義云。一界既現。九界齊彰。試觀調達地獄相現。則佛界滅。下品金蓮相現。則獄界滅。何得齊彰耶。答。心無形質。無分劑。不可割裂。落一界之一念。卽全體之心。非心少分。既舉心之全體。成此一念。亦必舉心之全用。歸此一念。亦必卽此一念。頓具心之全體。大用如孔子爲乘田。卽以聖人全體而牧牛羊。亦卽舉出將入相之全用。而歸諸牧牛羊人。亦卽於牧牛羊時。問以文事武備。無不能知。安得牧時非孔子全體。無將相全能耶。冥伏或是隨具之義。倘以現對冥。以起對伏。則事造信非一念頓具。那成圓理。今既知一界還具十界。則界界互具。無盡重重。鏡光珠影。更何分劑。謂之三千性相。亦略舉耳。卽觀調達墮獄。正在佛前。又舉身下陷。合掌南無。成無信根。便得授記。而下品往生者。卽地獄火化爲清風華佛。可見獄界佛界。舉體相卽。互徧互融。不可思議。此天台

性具之旨。觀心之要。所以真能傳佛心印。遠勝他宗也。

印禪人開台藏序曰。教觀之道難言矣。尚慧辯者。汪洋若大海。其流弊也。逐流忘源。令鈍根增望。洋之歎。崇修證者。致精如鐵櫪。其失意也。守株待兔。令無聞招暗證之譏。惟智者悟法華三昧。得旋陀羅尼。九旬談妙。極教綱之幽深。十乘修心。備觀門之攸致。燈燈相續。祖祖相傳。駕賢首慈恩而獨盛。並黃梅少室而爭芳。心印昭於日月。傳習徧於華夷。而部帙最大者有三。曰法華玄義。法華文句。摩訶止觀。玄義文句。教正觀傍。止觀一書。教傍觀正。永無說食數寶之愆。高超暗證。無聞之禍。荆谿大師闡揚之。翼玄義曰釋籤。翼文句曰妙樂。翼止觀曰輔行。誠佛祖慧命。衆生眼目。古云台教存則佛法存。台教亡則佛法亡。非欺我也。末世行人。障深根鈍。學淺志劣。鹵莽滅裂。僅塗口耳。惟消文貼句。將就苟且。作名利資糧。語佛法淵源。聖賢道脉。咄嗟曰。人生幾何。能作窮年皓首浩計耶。不思駒隙幻影。名利何裨。苟可契於真源。尙當矢之永劫。况法無繁簡。迷悟在人。一句不了。勞匍匐於千山。曠劫緣臻。得總持於瞬息。稍有血性者。決不忍自暴棄。失此甘露法門也。

示九牧法主曰。台宗云。研真斷惑。名之爲學。真窮惑盡。名爲無學。儒者云。學問之道無他。求其放心而已。心者。竟之了不可得。而非無。豎窮橫遍。而非有。本離四句。如何可放。本無可放。如何可求。以不達離過絕非之體。妄認緣影。或肉團爲心。如認一浮漚。棄百丈大海。名之爲放。若能四性四運。推簡此心。觀其無生。

無住名之爲求。是故無生無住之體。究竟現前。乃名真窮。肉團緣影之執。究竟蕩盡。乃名惑盡。未登佛地。皆名學人。學不求心。徒增虛妄。千經萬論。少室天台。眞實指歸。唯此一事而已。觀此者名觀不思議。發此者名發眞菩提心。

問如何能不退。祖源禪師曰。頓悟本心。兼戒修證。一生可辨。永無退墮。依文解義。習心浮動。觀戒不兼。遇緣自退。

儒云。佛氏寂滅謂之異端。先儒檢點其說不錯。祖源禪師曰。所言寂者。非對動之寂。從無始來。本自不動之寂。所言滅者。非對生之滅。從無始來。本無生滅之滅。斯是本性全體。萬用從此而發。後儒不悟性體。妄生斷滅異見。

儒云。吾儒窮理盡性。非同佛教偏空。師曰。佛云寂滅現前。六根互用。儒曰寂然不動。感而遂通。佛云如如不動。儒曰空空如也。釋子轉識成智。顏回學聖。屢空。若以寂滅謂之異端。孔子空空。與佛無二。後儒不明性體。無端妄論偏空。若悟未發已前。方知儒釋不二。

儒云。佛氏常以因果。驚恐愚俗之流。言人善定生天堂。如人惡必下地獄。六道輪迴。三塗業報。如斯虛誕。惑人之甚。佛徒豈知人命終後。氣化清風。肉身化泥。一生已休。有誰再來。師曰。無因無果。天堂地獄。盡是虛僞。人生一世。死了歸無。氣化清風。肉化爲泥。如君之說。既無因果。易經有曰。積善之家。必有餘慶。積不



善之家。必有餘殃。又書云。作善降之百祥。作不善降之百殃。既無地獄。因何傳曰。爲不善於幽冥之中。鬼神得而誅之。既無輪迴。何故又言死於此者。則生於彼。萬物皆出於機。皆入於機。如無因果報應。人生一世而已。正好放蕩。縱意行非。死後不過化陣清風。自如化風。且置。然則清風無情。本無知覺。程頤曰。孝子祭祖考。祖考來格者。是至誠有感必通。如斯之說。祖考來格。還是清風來格。還是靈性來格。若是靈性來。靈性成風。若是清風來。清風無情。莫是祖考死後。性化無情之風。子孫祭他。復變靈性。受祭之後。還化清風。如是往來變化。真是奇怪之風。程子又云。鬼是往而不反之義。既是往而不反。子孫至誠感格。又是有反。眞可笑耳。伊川曰。鬼神是二氣之良能。陽氣生天爲神。陰氣下地爲鬼。既言因果是假。天堂地獄非眞。陽氣生天爲神。陰氣下地爲鬼。又墮因果感應之內。可歎俗儒不悟妙性。非有非無。不生不滅。妄生斷滅。自昧本眞。應須早生智慧。急急訪求明師。肯契一言半語。發明一貫之道。定不落於斷常二見。了悟孔門中和之理。

蕩益大師江甯紀賑後序云。心性一耳。而危微異焉。異者猶冰之與水也。溼性不可得而異也。惟異故。上智安富尊榮。下愚貧窮困苦。惟不可得異故。上智必以下愚爲興。慈運悲之地。下愚必藉上智爲救。苦免難之主。華嚴云。因於衆生而起大悲。因於大悲。生菩提心。因菩提心。成等正覺。一切菩薩。若無衆生。必不能成無上菩提。旨哉其言之矣。辛卯春。長干浹露。雨。民不聊生。蓋自作之孽也。制臺馬公。及王危諸公。

憫茲無告。設賑粥場一十餘所。凡經百日。共捐萬金之外。濟飢民七十餘萬。嗟乎。非仗此不可得異之性。何由使命將絕。而仍續身。濱死而復生乎。且食粥頃。縱頑冥。無不知稱佛號。心感茲恩者。只此一餐。便結未來成佛勝緣。金剛種子。決不可壞。非普門示現宰官。行菩薩道。奚能轉罪爲福。轉災爲祥。若此神速也。雖然。民未厭罪。天未厭亂。上挽天意。下拯愚民。惟有力大。人是賴。予旣深慶是舉。尤望恒有是舉。尤望莫不如是舉。則庶幾風雨順時。可永無用是舉矣。



遵訓終隱

宋。清。素。得。法。於。慈。明。在。處。隱。衆。中。兜。率。悅。公。時。在。衆。因。夜。話。詢。知。爲。慈。明。侍。者。大。驚。明。日。具。威。儀。參。扣。往。復。開。發。遂。得。大。悟。仍。戒。悅。曰。吾。以。福。薄。先。師。授。記。不。許。爲。人。憐。子。之。誠。忘。先。師。之。戒。子。以。後。切。勿。嗣。吾。也。終。身。陸。沈。人。無。知。者。

# 無為館筆記


(稼夫)

## 七佛之始

七佛之始。始于威音王佛。威者形之外者也。音者聲之外者也。威音王者。形聲之外。未有出載。無所考據。文字以前最上事也。若龍樹所現而仰山所謂無相三昧然燈以前是也。七佛偈出于達磨傳來。蓋有所本也。七佛偈意全是修多羅了義語。而儼然獨露。為臨濟雲門。漁仰等旨。惟曹洞回互。則不待拈題而自著焉。

## 學道之法

大都學道。須求正法。正法者。不著。有不著。無不落。又有又無不落。不有不無。不走。出四句外。空。空不住。在四句內。流注。左不得。右不得。前不得。後不得。中不得。邊不得。是不得。非不得。對一切萬事。取捨不得。放閑。



有靈知焉。有真知焉。有妄知焉。靈知之謂道。真知之謂悟。妄知之謂解。言所知則一也。學者不揣其理。泛于所知。妄生執著。引起是非。不惟汨喪道源。而亦沈埋自己。

佛法救世

真空不空。是有無証。寂滅不滅。是往來相。佛以權實一法。開頓漸之徑。使隨器向趨。之有不離道場。得大智慧。有難行苦行。為人天業。夫佛之教人。推性命之際。以極天地之外。乃至觀身如掌。中物傳付。法寶不寓文字。是謂禪。那山嶽之大。有時內泐。金石之剛。有時而剝。形器之用也。我則異於是。無去無住。無取無離。不見于內。不見于外。不見中間。自利義也。利他仁也。是謂涅槃。妙心諸佛法印。無上微妙秘密圓明。真實法眼。藏佛以授摩訶迦葉。傳僧伽梨衣。以待補處。出世為成道之符。

說覺

昔普覺禪師嘗以偈語示覺空居士曰。覺空空。覺空空。覺覺覺。空空空。亦空欲識無窮好。消息都盧只在此。軒中蓋佛者覺也。既已自覺。而以此覺覺諸衆生。故曰大覺。以斯道覺斯民。儒者之事也。性覺明妙。本覺明妙。佛氏之說也。又德山曰。捫空追響。勞汝心神。夢覺覺。非覺亦非覺。覺義深遠。言不能盡矣。

雜用心

趙州云。老僧逐日除二時粥飯。是雜用心。餘外更無雜用心處。近世士大夫多欲學此道。而心不純一者。

病在雜毒入。心雜毒入。心則觸。遂成滯。觸遂成滯。則我見增長。我見增長。則滿眼滿耳。只見他人過失。殊不能退步。略自檢察。看逐日下。得牀來。有甚利他利己之事。能如是檢察。則謂之有智慧人。

佛法非專談空寂

世人不會向佛乘中留心者。往往以佛乘為空寂之教。聞人說空說寂。則生怕怖。殊不知這怕怖心。便是生死報本。佛自有言。不壞世間相。而談實相。又云。是法住法位。世間嘗相住。寶藏論云。寂分寥分。寬兮廓兮。上則有君。下則有臣。父子親。其居尊卑異其位。以是觀之。吾佛之教。密密助。楊聖化者亦多矣。又何嘗只談空寂而已。

法華三昧

天台智者大師悟法華三昧。以空假中三觀該攝。一大藏教無少無剩。言空者無假。無中無不。空言假者。無空無中。無不假言中者。無空無假。無不中。得斯旨者。獲旋陀羅尼。是知從上諸佛諸祖。莫不皆從此門証入。故大師証入時。因讀法華經。唯証是二昧者。不待引喻。而自默點貫矣。

凡夫佛祖

佛本無生滅。亦無迷悟。亦無鏡子。亦無影像。可現由凡夫有若干故。隨凡夫發明耳。故曰佛是凡夫鏡子。凡夫是佛鏡子。凡夫迷時。生死垢染。影像全體現。佛鏡子中。忽然悟時。真淨妙明。不生不滅。佛影像却現。

凡。夫。鏡。子。中。故。曰。凡。夫。卽。佛。佛。卽。凡。夫。迷。自。心。故。作。凡。夫。悟。自。心。故。作。佛。

原教

惟。心。之。謂。道。闡。道。之。謂。教。教。也。者。聖。人。之。垂。迹。也。道。也。者。衆。生。之。大。本。也。甚。矣。群。生。之。謬。其。本。也。久。矣。聖。人。不。作。萬。物。終。昧。聖。人。所。以。與。萬。物。大。明。也。心。無。有。外。道。無。不。中。故。物。無。不。預。道。聖。人。不。秘。道。不。棄。物。道。之。所。存。聖。人。皆。與。是。故。其。爲。教。也。通。幽。通。明。通。世。出。世。通。者。統。也。統。以。正。之。欲。其。必。與。聖。人。同。德。知。衆。生。之。過。患。英。善。乎。聖。人。與。萬。物。正。本。莫。善。乎。設。教。是。故。教。者。聖。人。明。道。救。世。之。大。端。也。教。也。者。聖。人。乘。時。應。機。不。思。議。之。大。用。也。

避死法

好。生。惡。死。人。之。常。情。也。自。古。至。今。從。無。避。死。之。善。法。雖。婆。羅。門。避。死。經。有。云。有。婆。羅。門。仙。人。四。人。常。恐。畏。死。一。入。空。中。一。入。海。中。一。入。山。腹。一。入。地。要。皆。精。進。修。善。法。有。大。神。通。故。始。能。之。若。凡。夫。俗。子。豈。其。能。哉。玉。佛。所。云。非。空。非。海。中。非。入。山。石。間。無。有。地。方。所。脫。之。不。受。死。雖。非。言。能。避。死。實。卽。避。死。之。善。法。耳。





雜 俎 三

# 名山游訪記

(續)

(鶴年)

余以壬寅。在金陵古林。聽通智法師。講楞嚴經。楊仁山先生。處經夏。金山過冬。癸卯春。又往南京。親近仁老居士。一日出遊雨花台。相傳二祖神光說法處。彼時天雨成花。故名雨花台。台頂高平。登台遠眺。水月山光。菩提妙境。花香鳥語。般若禪機。目收全城風景。山中生有小石。五光十色。種種異奇。呼之曰雨花石。前有高隱諸庵。後有三藏等殿。山麓天下第二泉在焉。往來遊客不絕於道。是日微雨。細草方春而未滑。沾雨而藹然。蒙茸潤色。遠看似青。而近看似無。如現前一念。忽覺妄生。究之即無。沿路鳥啼。而水村山郭。南朝自梁時。大興佛教。四百八十寺。迄今樓台殿閣。多半殘敗。於烟雨之中。所有牛頭。祖堂。獻花岩。棲霞。沿山十二洞。鉄索練孤舟。諸勝。前已遊過。另載。是時雨大。急僱馬回經房。接讀通智法師函云。知君行脚。秋月春花。無殊南詢妙境。名山勝域。即是知識壇場。惟期具屢提之心。宏毗梨之願。自然能使草鞋吐氣。竹杖揚眉。自利利人。亦如昔人之垂範於無窮矣。次朝遊紫金山。三里明故宮。一片荒地。有方孝儒先生。



祠。有血跡碑。其石已被遊人磨爛寸深。而血跡依然。甬城上有景陽鐘。於此起更。里許朝陽門。出城三里。孝陵衛禁門。春風大雅。經石人石象石獅。其像極大。他方莫配。進頭門。甬道寬闊長遠。適逢杏花春雨。前殿仁皇帝御書。治隆唐宋碑。純皇帝詩碑。正殿龍亭。供奉明太祖及皇后神位。殿後佳城。過橋寢陵。更上一層松竹幽深。天然佳境。四顧群山。本來面目。陵在省城東北。鍾山之麓。其山一名蔣山。一名金陵山。又名紫金山。聖游山。北山。神烈山。諸名山。高一百五十八丈。週迴六十里。相傳阮孝緒母病。藥須人獲。舊傳鍾山產獲。徧歷幽險。不得。忽一鹿前道。至則得之。楊維禎詩。鍾山突兀楚天西。玉柱曾經御筆題。雲擁金陵龍虎壯。月明珠樹鳳凰棲。氣吞江海三山小。勢壓乾坤五岳低。華祝聲中人仰止。萬年帝業與天齊。正瞻眺間驟雨頻傾。一刻時狂風吹動。陰雲四散。大放光明。但則見飛瀑橫斷千澗路。亂雲捲盡萬山空。下坡五里太平門。那邊路僻。山高這邊舟通。車便進城。由督署回。次朝二月二日。告假行脚。仁山先生囑云。出外叅訪。務須居眼學。必叅而得。悟津以知。而不迷。聖人設化。同此一理。知之非難。行之維艱。朝山宜正心誠意。感通神靈。一路護佑。無有障礙。如有同行。最好以免孤寂。或一或二。須防有病有賊之變。或遇險遇黑之時。可以互相扶持。真有道者方可。所謂遠行必假良朋。擇其善者而從之。余禮別出城。搭輪由草鞋峽。燕子磯。八卦洲。黃天蕩。大河口。四源溝。十二圩。瓜洲。江中遙觀金山。浮圖崔巍。殿閣嵯峨。波上青山。雲中古剎。七峰崢嶸。並與焦山對峙。到岸至金山。京口有山數處。以焦山最優。金山獨勝。屹立揚子江中。

相傳唐裴頭陀於此開山得金。故名其山。古名浮玉山。去鎮江城七里。山上有寺名曰龍遊。今名江天。昔日寺廊週山之趾。而江水環寺檻之外。隨波蕩漾。飄紅映翠。浴日凌霞。每登妙高峰。遠望焦山海門。歷歷可見。而本山之樓台殿閣。森列足下。令人心曠神爽。真宇宙粵區古今勝處也。山圍淤沙成洲。與江南連接。滄桑亦變。不舟可登。山自同治兵燹成爲焦土。後漸復興。山巔有塔名曰浮玉塔。今名慈壽。秋崖長老重建。左有觀音閣。右有法海洞。上有御碑亭。石刻四字曰江天一覽。下有藏經閣。內有清藏全部。余前憇此數載。晝則閱藏。夜則習禪。閱藏者一展卷時。如扁舟漁夫。忽然誤入桃源。則如來法海。雖寬廣無涯。一彈指間。可以即登彼岸。譬如不調飲食。則病患必生。不閱三藏。則智眼必昧。知佛心者。則言言皆了。義不知佛意者。則字字皆瘡。夫三藏之不可棄。猶如飲食不可廢。余愧無文字。又無知識。目之所覩。意之不會。矣。習禪者。一入禪堂。時如暗室。忽現燈光。雖有黑山闇海。一明即破。一刹那間。即證菩提。余常學禪。無處著手。無門可入。虛度光陰。慚之極矣。余住經樓之上。經樓西向。寒則過寒。熱則太熱。後六安上人重修齋堂。念佛堂。前後申樓。命遷移念佛樓之寮房。樓房數十間。惟余一人獨居。清淨異常。現因人事太俗。故又往外行脚。本山歷代高僧名人詩詠。古蹟甚多。另詳呂祖謙曰。久客江湖不見偉人。昨在金山見滕元發。乘小舟破巨浪來。巍然使人神聳。即此杜荀鶴詩。僧愛無塵地。江心島上居。樓船山影瘦。登陸路頭疎。載土春栽樹。拋生日放魚。入雲蕭帝寺。畢竟欲何如。初四日往雲溪探親。即回江天。彼時傳戒之期。寶華

大霖師開堂。一日與諸老遊中冷泉。出門過渡。經郭璞墓。江頭芳草之洲。但見顛狂之柳絮。隨風飄舞。里許中冷泉。泉水泡茶。味厚甜美。焦山昌老曰。彩筆描空筆不落。色而空亦不受。染利刀割水。刀不損。鏗而水亦不留痕。得此意以持身。涉世感與應俱適。心與境兩忘矣。大定老人談及行脚事云。朝山原爲求道而行。苦行世間。那有天生彌勒。自然釋迦。所謂不是一番寒徹骨。怎得梅花觸鼻香。湏發真精進。真勇猛。期了生死。大事如救頭然。思念知識。如禱醫王。禮拜高明。如見師長。大霖師云。若真大善知識。宜常親近。操忍辱之心。發苦行之願。不擇飲食。不辭澹泊。縱遇大難。亦所不辭。自思皆爲前生因地有虧。以致今生受報。若此正常見賢思齊。見不善如探湯。此念爲要。語別看中冷泉。泉水方池。王仁堪先生重修。並書天下第一泉。據楊仁老云。同治間。我辦工程局時。修中冷泉。親見泉底有氣眼數處。氣起鼓動。如泉水泛漲。週年不息。實是氣泉。並非水泉。名曰鰲魚吐氣。繞泉一匝而返。戒期圓後。向禪堂諸執事告假。其養首座曰。行脚先問明行道之處。即當具決定信心。方能發堅固行願。若不預立章程。隨人脚轉。朝東暮西。散意雲水。非獨有負初心。而品亦下矣。或中道間有真善知識住處。察其虛實。若果真者。同往亦可。規約嚴密。亦當依從。自思我爲法來。正宜如此。即彼稍有瑕疵。亦弗相詆。此念爲要。融通後堂云。行脚不計歲月。隨路爲家。逍遙度日。自暢心懷。道念堅固。拋却利名。若遇巨匠桶底自脫。行止久速。當隨時宜。慈本西堂曰。華嚴入法界品。文殊告善財言。若欲成就一切智。決定求真善知識。求善知識。勿生疲厭。見善知識。勿生

厭足於善知識。所有教誨。皆應隨順於善知識。善巧方便。勿見過失。善財據此金訓。南詢百城。見五十三善知識。一生了辦大事。乃行脚之榜樣也。妙湛首座云。在外行脚時時刻刻。一念不離南無阿彌陀佛。必有天龍護佑云云。禮請回寮。光陰如白駒過隙。不覺戒期圓滿。後四月十八起程。乘輪由焦山三江營天星橋江陰通州進溟濛。十二下午至上海。厲海潮寺。即留雲蘭若。乃觀月老人之師。結茅處。經觀老修建叢林。開單接衆。清規嚴肅。宗風大震。天下禪和無不謹仰。並有微軍戒本二老。實力相助。後應乾和尚接任。道重南山。德配大海。更外大興。十九遊哈同花園。主人好道。園中佈置。世間希有也。放生池。萬生園。水鳥樹林。樓閣欄楯。記入十三景。極樂家風。午飡別。仍回海潮。是晚談及行脚事。微軍老人曰。朝山爲叅學之指南。廣見之世境。耳出戶庭。即有憂喜驚悲。憎愛順逆等境。如昔善財南詢。見無足厭王。勝熱婆羅門等。尙起疑惑。况今末法。豈能掃除。倘遇斯境。須當如夢如幻。如影如響。不可隨境而轉。應乾和尚云。結夏安居。四月中禪和不許走西東。處處是清涼山。就在我這裏度夏也好。余答願心未了。休息不下。十八日與達悟月朗諸老。乘輪往天津。黎明出口。行約百餘里。江海二水交會。余曰。嘗聞人言。百川歸大海。但不知流歸何處。月老云。五湖四海。千江水。摠屬曹溪一脈。通是日天氣晴和。野色一片。夜來光明如鏡。月湧滄波。玉一團。十九日午。海氣蜜佈。雲起如山。狂風大作。白浪滔天。搭客皆不能行動。多數頭昏嘔吐。約三時。風平浪靜。余問諸老。彼時一念如何。達老云。貪嗔痴愛。消滅盡。本地光風。始現。成月老言。个中不留佛。

祖見從教直透萬重關。問萬重且止。那是第一重關呢。月老云。妙性圓明。本自然。有何缺少。有何添。言次已到烟台。未停。但見日月出沒於水中。次日進大沽口。下午抵天津。上岸往紫竹林。地名仍舊。氣象煥興。同寓客棧。廿一日乘火車。經楊村落堡。郎坊。黃村。鳳台。馬家堡。直達正陽門。俗呼前門下車。（己亥年由清淮登泰山陸路至此）進城由北新橋。雍和宮。間壁栢林寺。內藏大藏經板。住持毗峰迎入。送住行宮。與冶開。觀月長老同寓。南省入都。願請藏經者。共有九家。一常州天寧寺。冶開長老。富家明鏡。全伴圖山。濟南上人。一常州清涼寺。清波方丈。一上海海潮寺。觀月老和尚。一揚州萬壽寺。主人寂山。一高旻寺。退居月朗。一如皋定慧寺。主席達悟。監院根源。一東台三昧寺。住持海霞。一鎮江竹林寺。和尚法舟。一寧波西方寺。退院淨果。全伴普陀山錫麟堂。了餘上人。以上諸山長老。同寓此寺。外有五台山。南山寺。廣慧和尚。首由諸山請僧祿司。具稟內務部。轉奏皇上。皇上答云。知道了。僧祿司奉旨知道了。出示開印。每部共約費洋三千元之譜。是晚談及朝山之事。了餘上人曰。行脚一事。人人共推趙州。然三上投子。九登洞山。西天涉於此。土嶺南詣及黃梅。皆真。叅實學。堪爲吾輩師範也。寂山和尚云。夫論已悟。本分無欠。無餘。若乃初機。因緣宜考。宜證。所以借朝山以證速。因假叅學而消分際。冶開長老曰。三家村裏。不辭苦雨酸風。百仞峰頭。那避披星帶月。蒼松翠栢。處處盡是真如鳥語花香。在在無非般若天機。活潑妙道。隨緣等語。廿二日。與瑞堂大師。出得勝門。往紅螺山。中途遙觀燕山。峰巒秀粲。若雲錦山。自西北而東。則稱燕山。

爲燕地。形勝故名也。蘇軾詩云。燕山如長蛇。千里限彝漢。首銜西山麓。尾挂東海涯。正瞻眺間。忽有人招呼。回首一看。乃空浩普常諸師。自紅螺山來。暢晤一番。同回京城。任厲栢林寺。廿三日出遊雍和宮。適光緒皇帝乘八人大轎行香。後有侍衛數十人。街市閉戶。巷口擋塞。轎前御林軍。至雍和宮。由西便門入。大喇嘛接進。各展敬禮。太和齋稍息回宮。彼時陳喇嘛招呼諸殿一覽。遂出西直門。五里大鐘寺。看大鐘。上書華嚴經壹部。金剛經鎮邊。南行萬壽寺。內看四大名山。間壁慈禧太后常遊之所。仍回栢林。廿四與大禪師。至弘仁寺。即旃檀寺。禮旃檀像。此像是佛住世。優填王造。佛往天宮爲母說法而回。像出迎之。佛與受記。若能一見。卽同見佛。此乃造像之始。殿上蒙藏莊嚴。七珍八寶。種種供養出奇。後往圓光寺。與方丈首座清一會談。清曰。叅學畧有五種。一己事未明。尋求知識。二機緣不契。別訪高明。三已明大事。隨方應化。四特爲香進。植福培因。五誇張勝境。私圖名利。前三正當。第四猶可。至於散意雲水。名利自欺。其誤甚矣。昔大隨禪師。有學人問。劫火洞燃。這個壞也不壞。師云。壞。僧云。怎麼則隨他去。師云。隨他去。其僧疑之。尋師叅叩。遍歷山川。所謂一句隨他語。千山走衲僧。如是皆爲大事。未了。不遠千里訪求。大禪師曰。行脚在先。住山在後。余向主人云。久仰高風。未得親近。不知上人以何爲宗旨。伊曰。以無念爲宗。以離相爲旨。以斷除貪妄爲工夫。以清淨涅槃爲究竟。成昏衢之炬燭。作苦海之慈航。云云。是夜與清一上人同寮。暢晤至更深。養息。次朝大禪師同乘馬車。繞湖道出萬壽山。經玉泉山。西向車不能登。下車往玉皇頂。卽西

山之麓。去京約卅里。其山幽深蔚秀。泉石之聲。甲於都城。每大雪初霽。千峰萬壑。積素凝華。苦圖畫然。爲京師八景之一。其山因地立名。其名不一。曰香山。玉泉山。仰山。潭柘山。百花山。聚寶山。白鹿岩。翠微山。覺山。而諸山中。爲岩爲洞。爲嶺爲峪。其立名者更不一。而總名謂之西山。蕭翼詩云。絕頂高山路不分。煙嵐長鎖綠。台紋獼猴推。落懸岩石打破。下方遮日雲。適有竹林法舟和尚在此。是夜同榻暢談。伊曰。愁山云。若論此假大事。因緣雖是人人本具。各各現成。不欠毫髮。爭奈無始劫來。愛根種子。妄想情慮。習染深厚。障蔽妙明。不得眞實。受用一向。只在身心世界。妄想影子裏。作活計。所以流浪生死。佛祖出世。千言萬語。種種方便。說禪說教。無非隨順機宜。破執之具。無實法與人。云云。不覺杲日東昇矣。大禪師招呼過早。同遊碧雲寺。昔日遊此文老居士。開我迷雲。施我甘露。其香山戒台潭柘。西域諸刹。及紅螺山。上方山。勝蹟前已遊過。另載。是日回都。所有京城。紫金城。皇城。大城。南城。西方境。景山。西苑。萬善殿。紫光閣。天壇。東西四牌樓。琉璃廠。方磚廠。南海子。北海子。海甸。圓明園。綺春園。拈花寺。賢良寺。龍泉寺。廣化寺。白塔寺。法源寺。黃黑諸寺。白雲觀等處。大半未遊。廿七日與月老諸師搭火車。由蘆溝橋。涿州。定興縣。安肅縣。保定府。下車住店。廿八日僱騾。廿里江城。卅里北鋪。五十里完縣。住店。四十里唐縣。四十里大陽。住店。廿八日廿里阜平。屬數日前。有江南蕪湖尼僧三人。朝山經此。遇盜刺斃老尼一人。據云宿寃現前。定業難逃。奉勸大衆。切勿結寃。寃深難解。聲和響順。形直影端。因果歷然。豈無憂懼。故經云。假使百千劫。所作業。不亡因。

緣會遇時。果報還自受。卅里王快鎮。廿里王柳口。忽遇濟南長者。及諸大師。從台山來。濟公云。小心爲要。投宿。湏防。夜雞鳴。早看天。忽忽而別。十里長壽庄。住店。廿九日。廿里阜平縣。過河十五里。李家台。十里黃土亮。十里安芝嶺。七里粟元鋪。十里下關。住店。次日。廿里招提寺。三里龍泉關。城內有都閫府駐札。德清詩云。策杖煙霞外。重關虎豹林。路當崎曲險。山入塞垣深。云云。五里益壽寺。十二里虎跪泉。二里長城嶺。遠望五峰之間。紫氣盤鬱。神人所居也。鎮澄詩云。西望龍泉錦繡開。紫雲鬱鬱鎖仙台。就中一片清涼地。劫火曾經幾度來。由舊路嶺。龍泉寺。宋建今廢。嘉靖初盜賊縱橫。有馬大師不知何來。賊多自傷。群盜乃絕。由是道路往來無難。後大智禪師開化。土人皆曰。前去馬那叱。今來智菩薩。十里鉄鋪。五里台鹿寺。五里石嘴。十五里海會寺。十五里白雲寺。五里明月池。即觀海寺。魏建。住持慈心利物。本分爲人。今昔莫比。三里沐浴堂。卽文殊寺。康熙間。叻叶和尚建。後本空禪師中興。立爲十方常住。授戒安禪。寸陰不廢。今廣慧和尚復興。七里上佑濟寺。卽南山寺。樹木叢林。頗有氣象。昔奎衷和尚建。彼時有南方石楊何諸善士。來山朝台。普利水陸。初二五里。由台懷鎮。至顯通寺。住持怡諄接進。初三敬禮各殿。是時十方僧約四十餘人。相識十餘人。是晚常州清涼寺。清波方丈到。初四往東台。同行廿餘人。由東台往北台。經中台。至清涼橋投宿。適有某善士。約三十餘人。亦宿此寺。初五往西台。當晚回顯通。初六與清波上人。由圓照寺。廣宗寺。至菩薩頂。謁大喇嘛。名物色江錯。翻譯喇嘛。白姓名道昌。會晤。伊詢南方佛法如何。並問清波和尚。




清涼寺復興已年。殿閣多少。住衆幾何。清公一一回答。清涼古刹。是波獨手重建等語。午後遊羅侯寺。塔院寺。五郎溝。金剛窟。諸勝另詳。五台山者。本名清涼山。文殊大士演教之區也。茲山聳峙。於雁門。雲中之表。接恒岳。而俯滹沱。橫臨朔塞。藩屏京畿。其地風勁而高寒。層冰結於陰岩。積雪留於炎夏。故名清涼。然地雖寒。而嘉禾芳草蒙茸。山谷稱靈異焉。五峰竦立。上矗霄漢。日月之所廻環。烟霞之所虧蔽。蒼然深秀。其爲是以自漢迄今。歷代皆有崇建。古刹精藍。遍滿岩谷。岫宇內稱靈山。佛土最著。名山者有四。峨帽。普陀。九華。而五台爲尤盛焉。又稱五頂。聖凡交徹。清涼神境。真不外化。化豈離真。真化一心。迷悟斯隔耳。其爲山也。涵容萬化。潛育百靈。岩花爛草。全彰本智之光。靜谷幽林。深隱真人之宅。時乎珠林煥現。先域洞開。靈霞生宿客之衣。圓光射遊人之影。觸目通玄。非人間矣。是以遊觀之士。四海云馳。樓接之流。千岩星布。明王聖主。代爲興復之場。列宰名臣。屢有思真之詠。昏昏業識。望影塵消。汨汨煩心。觀光豁耳。至於烏茶仰信。醜虜降心。則大士攝化之功至矣。初六日月老諸人下山。承彼好意。再四勸余回南。未如他願。遂送出交口。月老曰。我等數十人到京。頒請藏經。朝禮五台。將你一人丟下。我等心中。不忍。余答學人。今日行脚。專爲生死不明。老人爲高旻知識。宗門法幢。還說甚麼俗話。又云。老和尚。你看無常來了。合掌回頭就走。伊等含淚而行。余亦酸鼻而走。隨遊鎮海寺。谷中幽深。樹木森羅。又一境也。章嘉喇嘛塔在焉。內住喇嘛廿餘人。禮塔出谷。往梵仙山。山頂有廟。內有大仙像。此山乃中台案山。昔有五百仙人。餌菊成道。今

住僧二人。秋岩詩云。愛玩吾家紫府山。溪雲老樹共僧閒。乾坤漫說蓬萊異。聞者途多達者難。下山經殊像。寺仍回顯通。十五帶乾糧往東。台當午至頂一覽羣峰。歸冥漠大地。入虛無望海寺。俗呼兜率天宮。聰敏文殊師利王菩薩。是夜敬禮。彼時心同滿月。大地光明。次朝觀日。宋丞相張商英詩。迢迢雲水陟峯樹。漸覺天低宇宙寬。東北分明觀大海。西南咫尺望長安。圓光化現珠千顆。聳日初昇火一團。風雨每從岩下起。那羅洞裏有龍蟠。下坡十五里。華嚴嶺十五里。說法台。傳云昔時常出鐘梵之音。人多聞之。法本詩。聞道仙人說法台。法音寥寂石生苔。談經大士今何在。惟有白雲空去來。五台灰色蛇多。觸者傷身。猶如五欲。染者毒心。蛇不傷人。而人自傷。苦矣。里許北台頂靈應寺。斗牛天宮。無垢文殊師利菩薩。中有隱峰塔。側有黑龍宮。台後半麓生陷獄。隋繁峙民張愛盜龍池錢若干。將歸暴風卒起。吹墮于淵。上聳巉崖。下臨絕澗。黑雲四蔽。冰雪擁身。求出莫由。志心悔咎。稱菩薩名。經宿云開。見免隨出。鎮澄詩云。迷裏清涼生地獄。悟時地獄化清涼。須知二法元無相。不離當人一念彰。台之東北七十里。秦戲山。山海經云。秦戲山無草木。多金玉。上有品字泉。卽滹沱源。西流由北台之陰。諸溪競注。過繁峙城北。經代州。五台。忻州。定襄。孟縣。由正定。平山。入海。左繞台山三面。台南麓龍門。上裂如石崩濤聲若雷。北有藏雲谷。下有留雲石。雲生爲雨。雲入爲霽。對岩有萬年冰。近看約數十丈。正願山先。忽然愁雲猛風大作。雨雪交加。丘坦之詩。一片黃沙起。山川總不分。滿空飛亂石。四谷合烏雲。莫是龍王怒。疑是虎口聞。春光已三月。猶自雪紛紛。頃

剽間風雨稍息。石室之內。水有寸深。難以度夜。只得擔風負雨而行。陰雲遮覆。明明日午。如同三鼓。四面懸岩。覓路不得。忽見雲中隱隱。有牧童騎牛而過。余隨詢之。牧童不答。余行快。牛也快。余行慢。牛也慢。行約三四里許。豁然雲開日出。滿目清涼。瞬目之間。人牛俱不見矣。奇哉。怪哉。彼時歷歷分明。毫不昏糊。余若造妄語欺人者。永墮拔舌地獄也。里許澡浴池。在中北台間。古有湧泉。澄潔可愛。遊人臨之。於光天雲影之間。種種異奇之狀。今荒基一片。亂石而矣。時已下午。里許從小徑下山。泥滑如油。行約數里。滑倒直衝下去。約四五里。幸未墮澗。是時止有一念現前。別無他想。稍息約半點鐘時。漸漸酥惺過來。睜目一看。周身是泥。起身再行十餘里。出谷入谷。見有樵夫。遂問此是何處。伊答此地名紫霞谷。俗呼北台溝。左去塔兒溝。有雜華庵。今改名寶華寺。寺後上有愁山石。石上刻有清郎居三字。相傳昔有梵僧從魏孝文帝乞一臥具地。帝許之。僧展臥具。覆五百餘里。帝知其神駭之。馳馬而去。帝聞山錚然。顧之。蹶然。隨後帝曰。愁耶。山乃止。故曰愁山。是日仍回顯通。十七日往中台。經三塔寺。鷲峰之西。明萬曆初僧了塵建。今喇嘛住。過西寧寺。亦喇嘛住。遊玉花寺。卽萬壽寺。在中台東南麓。隋有五百應真栖此。龍神修供。有驪數十疋。不用人驅。自能入市運糧。朝去暮歸。率以爲常。過夏俱隱。是時白蓮生池。堅瑩若玉。七日乃爛。代牧取名玉花池。後上鐵瓦寺。喇嘛住。殿上有鼓。傳言人皮鼓。古傳有僧錯因果。卽轉牛身。能言死後託夢。將伊皮爲鼓。可以贖罪。故呼爲人皮鼓。由此再上約廿餘里。中台頂。中有舍利塔。唐藍谷禪師。從梵僧乞得舍利。

若干顆。造鐵塔於內。外建大塔藏之。萬曆庚辰塔傾。一夕怒雷大震。塔乃正焉。



### 蘭盆勝會

佛世大目犍連事母至孝。母死出家。精進行道。得六神通。見亡母生餓鬼中。持飯往餉。飯化猛火。目連痛哭白佛。佛言。汝母罪重。非汝一人力所奈何。必假十方衆僧威神之力。當於七月十五日。佛歡喜日。僧自恣日。爲母設盂蘭盆齋。供佛及僧。始克濟拔。目連如教設齋。其母卽以是日脫餓鬼苦。轉更資薦。遂生天上。繇此蘭盆勝會流通萬世焉。

贊曰。生養死葬。小孝也。生俾底豫。死俾流芳。大孝也。生導其正信。死薦其靈神。大孝之大孝也。目犍連以之。

佛像 本色 兩種寄售

彩色

洋紙石印圖像

本色每張

彩色每張

華嚴法會圖 小大

六分  
三分五厘

大二元五角  
小一元角八

極樂莊嚴圖 大

六分

大二元五角

西方接引圖 小大

五分  
二分五厘

大二元

西方三聖像 報身 應身

四分

報六角  
應四角八分

靈山法會圖 小大

五分  
二分五厘

大二元五角

釋迦佛坐像

三分五厘

四角

四十八臂觀音像 小大

五分  
二分五厘

大一元  
小六角

十八臂觀音像 小大

三分  
二分五厘

大四角  
小三角五分

慈悲觀音像

二分五釐

三角五分

飄海送子觀音像

三分  
二分五釐

三角五分

地藏菩薩像

二分五厘

三角五分

准提菩薩像

二分五厘

三角五分

毘跢金剛像

三分

大四角  
小三角五分

韋馱天尊像

二分五厘

三角五分



起信論科註

此書為學佛者初步必要之書經桂君伯華集各家註釋節錄賢首

義記分注句下庶學者易于領解 每本大洋一角五分

華嚴原人論合解再版出書

凡吾人既得為人而不知所以為人之道則與衆生何異此書以華嚴之理解釋吾人

之所以為人知人則知天知天則知佛超凡入聖此書可為絕妙之津梁矣 每本一角五分

釋迦如來應化事迹出版

此書乃將釋迦佛降生以來種種聖跡精繪成圖此從初刻精本落石共三冊連史紙印者大

洋九角有光紙印者大洋五角批發照本局例

學堂習字帖 張季直書狼山觀音像記大楷

季直先生大楷書狼山觀音岩觀音像記 一篇字體超逸與平

時所作大異最宜於學生臨寫特用連史紙精印成冊定價大洋三角